

Pola Romnandmo tiratna timbiŋ rapar

Outna kam

Pola gan timbiŋ rapara tirrinanna, ma tonŋorinanna, ma taŋga auŋ aniac Romna ritipacna laiplacara an ndeacrenanna watna. Na ma tonŋorinanna, ma minapmo kidrik emtemma minap eacna. Na iŋmbaia ma Spenna pitrikca taŋca kam wembaŋ laŋmo anna wiwitina. Na gan timbiŋ rapar mbuŋa Pola Karaisna kam wembaŋ laŋna kambmo mataua mbopca larurinanapa, titocna eteacna watna tipemb kirarira Iesusa ranŋairena meikramtaira morena.

Na out ŋgoinna Pola Romna Iesusa ripacrena laiplacarmo ra laŋa neaŋrina, na ma minmo aindoprina, ma mina moca memetmbaca mben-deia Raraŋ Aetaniacmo digica ma minmo otacna. Na iŋmbaia ma gan timbiŋ raparna kamna miniŋmo wiwitirena, “Meikramtaira mandaia Raraŋ Aetaniacna ritipac ŋgutini te, Raraŋ Aetaniacna lamniac ŋgoutmo mina wandon ndeacnande. Na mina iarwarna eteacna wat gidikap eacraŋnandet.” Na u gan timbiŋ raparna saptu 1 wes 17na inikca wat te, ma eacrena. Na Pola gaindoprina, meikramtair muruŋcamiŋa mandaia Iudanangeptan, co, Iudana meikramtair wanaiŋ, mina muruŋa tip ŋgoreacna makukca morenan. Aintik Raraŋ Aetaniaca mina moca kadmaica ma minmo mac nda anŋinande. Na meac, co, ramootta Iesus

Karaisa ripac te, Raraŋ Aetaniaca manmo mac nda anġinande. Te, ma Raraŋ Aetaniacna aikndamootta larunandet, na ma Iesus Karaisna kaka ndarunandet.

Na Raraŋ Aetaniaca meac, co, ramoot ian mac nda anġi te, mana eteacna watta ŋgam ndarunande. Na Raraŋ Aetaniaca manap eacnande, na mana Neronja manmo mbuki minna tiknande. Ainda moca tip ŋgoreacna makukapa memenaca manmo mo irikna gargarar kocor, na manmo bubuocna minna wanaij. Na sapta 5na minna tikca taŋga sapta 8, Pola Raraŋ Aetaniacna tip wandikna miniŋna kambapa, Neronj Ratna gargarna kamb ndoprina, na an Neronj Ratta Iesus Karaisa ripacrena meikramtairta eteacna watna inik ndeacreke, aiŋa morena.

Na sapta 9na tikca taŋca sapta 11, Pola ndona makuk aniacna kamb ndoprina. Na Pol tikca ma Iudanangepta ramoot ian, na anna an meikramtaira atua Raraŋ Aetaniaca ndonan ŋgoinna moca larapacrinan. Na Iudanangepta meikramtairta wiwit anikca mina Iesusmo iŋ neanrena. Na Iudana meikramtair wanaiŋna witta, mina Iesusna iŋa raŋgairana meikramtair ndarurina. Ri, Pola aindoprina, anna Iudanangepta meikramtairta makuk. Na mina an reac aniac Raraŋ Aetaniaca minmo monanna, mina mba watta rapacri. Aintik Pola gaind ndamŋirina, iŋmbaia Iudanangepta meikramtairta wiwit toco, mina Iesusna wiwitna tumbunna mbuknandet.

Na mana mamamaina timbiŋ raparna kambca, ma an tipemb kirarira Iesusa ripacrena

laiplacarmo anna ranġaina mbopatna. Na ma aindopatna, kabena meikramtairmo matmatji ngoinna tipemb kirarira moran. Na ma Raraġ Aetaniacna aiġa momona kamb toco ma mboprina, na gan tiacarpaikna ramtair paġaindta kaġgawk eacna kamb ndopri, na kabena meikramtairmo otacna kambca ma mboprina.

Ritipacna taup mbuġ, aia Raraġ Aetaniacna lamniac ngoutta aia wandoik laiġ taruna min

(1—4)

Pol ma ndona up aġġirena ramtairta ramoot ndaruna aiġirta kambca ma anna niniatna

¹ Aku Pol, aku Iesus Karaisna aiġna ramoot. Na ma ndo aukmo aca aku mana up aġġirena ramoot ndarurina. Aintik ma aukmo Raraġ Aetaniacna kam wembaġ laġna kam wiwitina babuatna.

² Atu ngoinna Raraġ Aetaniaca babuca mbopatna kamma mana rambca morina ramtaira, an babuatna kam wembaġ laġmo, mana Timbigta Kap ratta tirca eacrina.

³ Anna mana Nuocna kam wembaġ laġ. Na an Nuoc, ma ramootna kirar toc ndaruca gagrirta ramoot paġan Dewitna barna kaġgawk ndeacatna.

1:1 Up 9.15, na 13.2, na 22.21, na 1 Ko 1.1, na Gal 1.15 **1:2** Up 26.6, na Ro 3.21, na 16.25-26, na Gal 3.8, na Ta 1.2 **1:3** Mt 22.42, na Lk 1.32, na In 1.14, na Up 2.30, na Ro 9.5, na Gal 4.4, na 2 Ti 2.8

⁴ An minna Raraŋ Aetaniac, mamu mukca tikca mac nda moa ŋgepatnanna, na an ŋgagatraca Raraŋ Aetaniacna Ŋeroŋ Ratta aimo ainda wandacrina, anna Iesus Karais, ma gargar aniacap, na ma Raraŋ Aetaniacna Nuoc, na ma aina Kacoot.

⁵ Na Iesus Karaisna par mbuŋa Raraŋ Aetaniaca aina nakadmairena, aintik Raraŋ Aetaniaca aimo mana up anŋirena aiŋna ramtairta aiŋ neanŋatna. Ma ainda mo te, Iudana meikramtair wanaiŋa muruŋa Iesusa ripaca mana kamma waraca ranŋaica mana imo anŋi ŋgepna.

⁶ Na ne toco Iesusna wiwitna inik ndeacrenan. Na ne Iesus Karaisna acatna kamma waracrenanna anna ranŋai.

⁷ Ne Romnanŋepta meikramtair, Raraŋ Aetaniaca nemo matŋirena, ma nena moca acatna, ne mana meikramtair, aku nemo gan kamma tirrina. Aina Aet Raraŋ Aetaniacapa, aina Kacoot Iesus Karais, nenmo kadmaica nena iroar inkarmo moi wewettaca laŋ ndeacnandet.

Pol ma ndomo Romnanda watna ndopatna

⁸ Na reac lacau, aku nemo gaindopnande. Gan tiacarpaikna auŋembta meikramtair, mina nena ritipacna gargar aniacna ninina morena. Aintik nemo muruŋcamiŋ, aku nena ndamŋireke, Iesus Karaisna i mbuŋa, aku ndona tamuŋna Raraŋ Aetaniacmo kam laŋ neanŋrenan.

1:4 Up 13.33, na Ib 9.14 **1:5** Up 26.16-18, na Ro 12.3, na 15.18, na 1 Ko 15.10, na Gal 2.7-9, na Epe 3.8 **1:7** Ndu 6.25-26, na 1 Ko 1.2-3, na 2 Ko 1.1, na Gal 1.3, na Epe 1.2, na 1 Te 4.7 **1:8** Pil 1.3, na Kol 1.3-4, na 1 Te 1.2, na 1.8

9-10 Aukna nikinik iro mbuḡa aku gagaraca Raraḡ Aetaniacna aiḡa morenan, an mana Nuocna kam wembaḡ laḡna aiḡmo wakikia moreke, memetmbaca aku nena moca lamḡirenanna Raraḡ Aetaniaca ndo lamḡirena, na aku mbendeirena. Na memetmbaca aku manmo gagraca mbendeia gaimda digirena, ma ndo tonḡo te, ma aukna taupca moca aku nen ndambuḡ nakipnande.

11 Aintik aku nena watna tonḡon aniac ḡgoin, ndomo nenmo ḡeroḡ Ratna kakadmaina opotac ndeida nena neaḡca nemo moi paḡpaḡina moca.

12 Na iro auknanna gaimd, nena ritipaikca auk ḡgotac te, aukna ritipac toca nen ḡgotacnande. Aima mo te, aima ndo aima muruḡna iroar inkara moi gaganande.

13 Ne Iesusa ripacrena laiplacar, aku tonḡorinanna, ne matau lamḡi rapac, kidrik witca aku nena watna iroa moca, aku mba kipatke. Na aukna aiḡa aku Iudana meikramtair wanaiḡmo otaca, mina Iesusa ripacrena laiplacar taruna. Aima moca aku nen motocmo otacnande. Na memetmbaca reikca auk ndambuḡ ndarureke, aukmo kiraca karirena.

14 Aima moca Raraḡ Aetaniaca aukmo an aiḡa mona gagraca aukmo Giriknanapa, meikramtair Giriknanna wanaiḡnan kotacna aiḡa neaḡrina, na an landamḡiarta meikramtairapa landamḡiar kocorta meikramtair motocmo

1:9-10 Up 19.21, na Ro 15.23, na 15.32, na 2 Ko 1.23, na Epe 1.16, na Pil 1.8, na 1 Te 2.5, na 2.10, na 3.10, na 2 Ti 1.3, na Ie 4.15

1:13 In 15.15-16, na Up 19.21, na Ro 15.23, na 16.7, na Pil 4.17

otacna aiŋ neaŋgatna.

¹⁵ Ainda moca nikinik iro auknanna nemo Romnan motocmo an kam wembaŋ laŋ wiwitina ŋgeprina.

Kam wembaŋ laŋa anna Raraŋ Aetaniacna gargar

¹⁶ Na Raraŋ Aetaniacna gargara kam wembaŋ laŋ ndeacrena, aintik aku kam wembaŋ laŋ ndopnake, numbira mba moitndai, anna ndo meikramtaira muruŋa ripacrenan mac nda aŋgina gargar, na Iudanandmo Raraŋ Aetaniaca outta neaŋgatna, na Iudana meikramtair wanaiŋmo iŋmbaia neaŋgatna.

¹⁷ Na kam wembaŋ laŋ mbuŋa Raraŋ Aetaniaca aimo ma morina tipna kirara moa aimo wandoik ŋgacrina, na wandacrina. Na aia ripac te, ma aimo meikramtair wandoik laiŋ topnandet. Na an taup mbuŋ niŋgikca aia Raraŋ Aetaniacna lamniacmo wandoŋ laŋ ndaruna miŋ. An kamma Raraŋ Aetaniacna Timbigta Kap ndeacrenanna kirar, “Meikramtaira mandaia Raraŋ Aetaniacna ritipac ŋgutiŋ te, Raraŋ Aetaniacna lamniac ŋgoutmo, mina wandoŋ ndeacnande. Na mina iarwarna eteacna wat gidikap eacraŋnandet.”

Meikramtair muruŋa Raraŋ Aetaniacmo iŋ neaŋrena

1:16 Ŋap 119.46, na Mk 8.38, na Up 3.26, na 13.46, na 1 Ko 1.18-24, na 2 Ti 1.8 **1:17** Aba 2.4, na In 3.36, na Ro 3.21-22, na Gal 3.11, na Ib 10.38

¹⁸ Na aia lamɲirena tamuɲna auɲ ndeacrena Raraɲ Aetaniac, ma ndona nikkakatnan wandacrenan. Na an meikramtair muruɲa manmo iɲ neaɲrenanmo, ma minmo opoik ɲgoreaca nda neaɲrenan. Na an meikramtair manmo iɲ neaɲgarica tipemb ɲgorikca morenan mina an tipemb ɲgorikca, mina kam gidik laɲmo aɲgira wikiɲna tikrena.

¹⁹ Na an meikramtair, mina Raraɲ Aetaniacna gargarapa reikapa mana tipemb kirarirmo mina lamɲia maiatna. Raraɲ Aetaniaca ndo minmo wandaca mamaiat. Na mina ɲgepca manmo iɲ maneaɲreke, ainda moca ma minmo moa ɲgocrairena.

²⁰ Na an minna Raraɲ Aetaniaca reac, reac tikatna minna tikca kipca mandeacna min, meikramtaira Raraɲ Aetaniacna morina reikca watta mairina. Na an taup mbuɲa Raraɲ Aetaniacna morina kirarir ndeida mina wat ɲgocora eacrenan, mina lamɲinande, an Raraɲ Aetaniacna morina kirarirta miniɲmo, mina lamɲina min, mana an iarwarna eteacna gargara aind ndeacraɲnandet. Ainda moca meacramoot ianna gaindopna minna wanaiɲ, “Aku manmo lamɲi ɲgocor, aintik aku gaindopna minna wanaiɲ, ‘Aku makuk ianmo mo ɲgocor.’ ”

²¹ Na mina Raraɲ Aetaniacmo malamɲiri. Aintik mina iroara gainda mba lamɲireke, ma Raraɲ Aetaniac gidik, na mina mana imo mba aɲgira ɲgeprenanna. Na mina manmo mba

1:18 Up 17.30, na Epe 5.6, na Kol 3.6, na 2 Te 2.12 **1:19** In 1.9, na Up 14.15-17, na 17.24-28 **1:20** Iop 12.7-9, na ɲap 19.1, na Up 14.17, na 17.27, na Ib 11.3 **1:21** Ier 2.5, na Epe 4.17-18

kam laŋa mba neaŋrenanna, wanaiŋ. Aintik mina iroara maŋaŋaori. Na mina iroarapa landamŋiar kocorta kirar, na mina neaupa maeacreke.

²² Na mina aindoprena, “Aia landamŋiap,” na mina iroara kocnaia tanga ŋaŋaoca macariri.

²³ Na memetmbac ndeacrena Raraŋ Aetaniacmo mina mana i aniacmo mba aŋgi ŋgeprena, mina manmo mba tutpemb rimbitca mbendeirenan. Wanaiŋ. Mina menacrena meacramootna dawarapa, ŋgorikcapa, amta ŋgoaebapa, nduipapa, kirpirap moca mina anna tutpemb rimbitca mbendeirenan.

Meikramtaira ainta tipemb ŋgorikca morena

²⁴ Na meikramtaira Raraŋ Aetaniacmo iŋ neaŋreke, ainda moca Raraŋ Aetaniaca minmo wattacarica, mina toŋtoŋgar ŋgorikca minmo wiŋreke, mina tipemb ŋgadudukara morena, na ndorimo aŋgira punica ndorita tikemb puŋmo tipemb ŋgorikca morenan.

²⁵ Ainta meikramtaira mina Raraŋ Aetaniacna kam gidikmo kecarica ŋgetrikica kam paparu aŋgirinan. Na mina an reikca morina Raraŋ Aetaniacmo iŋ neaŋrinan, na mina ŋgepca an Raraŋ Aetaniacna morina reikmo, tutpemb rimbitca mbendeirena, na mina an reikta kaŋgauk ndeacrena. Na Raraŋ Aetaniac, ma an reikta miniŋ, ainda moca aia

1:22 Ier 10.14, na 1 Ko 1.20 **1:23** TW 4.16-18, na Ŋap 106.20, na Ier 2.11, na Esi 8.10, na Up 17.29 **1:24** Up 7.42, na 14.16, na 1 Ko 6.18, na Epe 4.18, na 1 Te 4.4 **1:25** Ais 44.20, na Ier 13.25, na 16.19, na Emo 2.4, na Ro 9.5, na 1 Te 1.9, na 1 Io 5.20

meikramtair, aia Raraŋ Aetaniacna imo iarwara aŋgiri ŋgepraŋ. Na anna gidik.

²⁶ Na mina Raraŋ Aetaniacmo iŋ neaŋrenan, aında moca Raraŋ Aetaniaca minmo, mina tipemb ŋgorik ŋgadudukarap watcarica mina an tipemb ŋgorikcap eacnande. Na meikpitik minanna, laŋtaŋgoarta tipemb wandoik laiŋta kirarir laiŋga kecarica, mina tipemb kirarir laiŋga raŋgai ŋgocor.

²⁷ Na ramtairpitik toco, laŋtaŋgona tipemb wandoik laiŋta kirarir kecarica, nikinik iroar minanna anna rugdar kataca eacrena kirar toc, na mina kabena ramtairap tipemb ŋgorikca morena. Na ramtaira mandaia ainta tipembta kirarira morenan, mina anna numbirap, aında moca mina morina an tipemb ŋgorikta rurutina moca mina ndorita an opoikca aŋgirena.

²⁸ Aında moca meikramtaira Raraŋ Aetaniacna kaŋgauk ndeacnake, mba lamŋirenanna, aintik Raraŋ Aetaniaca minmo wattacarica mina an iroar ŋgorik anna raŋgairina. Na mina tipemb kirarir wandoik laiŋga mba morenan.

²⁹ Na mina gaind točna tipemb ŋgorikca morena, mina an tipemb kirarir wandoik laiŋga mba moitndai, na kabena meacramootna reacmo lamniac mbuŋa watca toŋgorena tip kirar ŋgorikcapa, puŋnaŋgepca morena tipna kirar. Na kabena meikramtairta reikmo watca kaega morenan, na mina reik witna meikramtairmo iroar ŋgorik aŋginande, na mina meikramtairmo mo menacrenan, na

1:26 TN 18.22-23, na Epe 5.12 **1:27** TN 18.22, na 20.13, na 1 Ko 6.9

kaega wanaiŋa tamtamma morenan, na parurenan, na mina kabena meikramtairta, reikmo wanaiŋa tamtamma aŋgirenan, na mina kabena meikramtairmo tipemb kirarir ŋgorikca morenan. Na ainta iroar ŋgorikca mina iroar inkara min ŋgoin.

³⁰ Na mina meikramtairmo inmbai ndoprenan, na mina paparuna kamb topreke, kabena meikramtairta irembca moa ŋgocairena. Na mina Raraŋ Aetaniacmo puŋnaŋgepca morenan, na kambmo tamtam nakereke, na tamtamma garurureke, ndorita irembmo aŋgira ŋgeprena. Na mina ainta kabena tipemb ŋgorik ŋgaib koinda morena, mina anna moa larurena. Na mina ndorita amerapaaeterta kamb mbarac ŋgocor.

³¹ Na mina iroar laiŋ kocor. Na mina an babuca mboprena kambmo mina mba raŋairenanna. Na mina ndorita racaind-paikembtake, mba tongoca lamŋirenanna. Na mina kabena meikramtairmo mba kadmairenan.

³² Na Raraŋ Aetaniacna tip wandoŋna kamma gaindopatna, “Meikramtaira aintocna tipemb kirarira mo te, mina menacnande.” Na aintocna meikramtair, mina an tip wandikca mina matau lamŋirena, na mina tip wandikmo ndarena, mina ainta tipemb kirarir ŋgorikca morenan. Na mina an tipemb ŋgorik tiŋgikca mba moreke, wanaiŋ, mina an tipemb ŋgorikca morena meikramtairta iremb aŋgira ŋgeprena.

2

Raraŋ Aetaniaca ritri waparac wandoŋ laŋa monande

¹ Ainda moca ne meikramtaïra muruŋa kabena meikramtaïrmo ritri waparaca mo te, aku nemo kabe kabea gaindopnande, ne ndorimo ainda kai mbop teac, aku makukar kocor. Na ne warac. Na ne kabena ramootmo, ritri waparaca mo te, ne toco ritri waparaca morena ndeid, an mina morena tipembta kirarira ne toco, ne ainda morena.

² Na aia lamjirena Raraŋ Aetaniacna ritri waparaca momoa, ma opoik ŋgorik punga ndarutirena, an meikramtaïra ainta tipemb ŋgorikca morenanmo, na an tipna kirara Raraŋ Aetaniaca morenanna, anna wandoŋ niŋgik.

³ Na gaind točna tipemb kirarira morena meikramtaïrmo, u minmo ritri waparaca morenan, na u ndo ŋgoinna u toco an mina morena tipembta kirarira morena. Na u ndomo Raraŋ Aetaniacna ritri waparacmo kipcarit ki, a?

⁴ Tida moca Raraŋ Aetaniac, ma un motocmo ma tip kirar laŋa morena, na ma una moca kidrik rocotta una ndabirina, na ma mba rutica unmo opoik ŋgoreaca mba tawia neaŋgatke. Na anna Raraŋ Aetaniacna tip kirar laŋ, na u anna watca anmo reac teker ndopat ki? Na Raraŋ Aetaniaca toŋgorinanna, u iro inik ŋgetriki, aintik ma unmo tip kirar laŋa morena. Na u anna mba watatke, a?

2:1 Mt 7.1, na Lk 6.37, na In 8.7-9, na Ro 1.20 **2:4** Ais 30.18, na Ro 3.25, na Epe 1.7, na 2.9, na 2 Pi 3.9, na 3.15

⁵ Na u ndona nikinik iro leacarica u iro inikca mba ngetrikiri. Na an tip kirar, anna u ndona opoik ngoreac bagaraniacmo angira mbinmbata tikrena. Na ritri waparacna ra laru te, Raraŋ Aetaniaca ndona ritri waparac wandoŋa mo te, mana nikkakatta larui raekca tikca u anna opoik ngoreac anginande.

⁶ Na Raraŋ Aetaniaca, “Ma meikramtair muruŋcamija morena tipembta kirarirta minna opoikca ma neaŋnande.”

⁷ Na meikramtair ndeida mina tipemb kirarir lainga ranŋaica mataua witikca gagaraca mina mbibirac lain angina moca, Raraŋ Aetaniacap tamuŋna auŋa taŋna wakikireke, anna i aniac angɪ te, an mai ngocorta iarwarna eteacna wat rocot angina morenan. Na Raraŋ Aetaniaca ainta meikramtairmo an iarwarna eteacna wat neaŋnande.

⁸ Na ndeida mina ndori tiŋgik tamŋireke, na kam gidikmo iŋ neaŋgarica, na an tipemb kirarir wandoik lainga mba ranŋairena. Na Raraŋ Aetaniaca ainta meikramtairmo nikkatrenan, ainda moca ma minmo anna opoik ngorik koind rutica neaŋnande.

⁹ Na meikramtaira muruŋa tipemb kirarir ngorikca morenanna, makukar bagraranikapa gigirar bagraranikca minmo larunande, na Iudanandmo outta larunande, na iŋmbaia Iudana meikramtair wanaiŋ motocmo ma larunande.

¹⁰ Te, Raraŋ Aetaniaca tamuŋna auŋna

2:6 Nɔp 62.12, na ML 24.12, na Mt 16.27, na In 5.29, na 1 Ko 3.8, na 2 Ko 5.10, na KIEK 22.12 **2:8** Ro 1.18, na 2 Te 1.8 **2:9** Emo 3.2, na Lk 12.47-48, na Ro 1.16, na 1 Pi 4.17

mbibirac laja moca i aniac neanča, nikinik iro wetwetmo an tip kirar laja morena meikramtaira neannde, na Iudanandmo outta neannde, na inmbaia Iudana meikramtair wanaij motocmo ma neanndet.

¹¹ Na Raraŋ Aetaniac, ma meikramtairmo muruŋa ritrina tip kirar kabea morenan, mindacniŋ anna mina kabena wiwitnan, min motocmo an tip kirar kabea monande.

¹² Na anna gaind, meikramtair muruŋcamina Tip Wandik ŋgocor, na mina tipemb ŋgorikta makukara morenan, mina topca mainande, mindacniŋ mina Tip Wandik ŋgocor. Na meikramtaira Tip Wandikap, na mina tip ŋgoreacna makukara morenan, Raraŋ Aetaniacna Tip Wandikna kam mbuŋa ma mina tipemb kirarira ritri waparaca monande.

¹³ Na meikramtaira Tip Wandikna kamma wanaiŋa waracrinanna, mina Raraŋ Aetaniacna lamniacmo, wandoikca mba laruitndai, na meikramtaira Tip Wandikca rangairenan, an meikramtair tingikca Raraŋ Aetaniaca minmo meikramtair wandoik topnande.

¹⁴ Na Iudana meikramtair wanaiŋa, Tip Wandikca min ndambuŋa kamaind, na mina ndeida ndorita iroar puŋga Tip Wandikca rangairenan. Na Tip Wandikca min ndambuŋa kamaind, na mina an Tip Wandikna kirarmo ndorita iroar puŋga rangai te, mina iroar ndo laruca mina Tip Wandikca mamori.

2:11 TW 10.17, na 2 Nin 19.7, na Iop 34.19, na Up 10.34, na Gal 2.6, na Epe 6.9, na Kol 3.25, na 1 Pi 1.17 **2:13** Mt 7.21, na Ie 1.22-25, na 1 Io 3.7 **2:14** Up 10.35

15-16 Na mina an tipemb kirarir punğa, Tip Wandikna kambca Raraŋ Aetaniaca mina nikinik iroara tirca eacrenanna, ma larua raekca tiknandet. Na landamŋia mina nikinik iroar koind ndeacrenanna, an toco gairda wandacrena, Tip Wandikca mina iroar inkar ndeacrena. Airda moca Raraŋ Aetaniaca ndona ŋganŋgirina ra, ma an iŋgoroca eacrena tipemb kirarirapa meikramtair muruŋna iŋgoroca eacrena kambca ma ritri waparaca monandet. Na oit ian, mina morena tipemb kirarirmo mina iroarmo laiŋ topnandet. Na kam wembaŋ laŋa aku wiwitreanna, ma gairdopatna, “Raraŋ Aetaniaca an meikramtair muruŋna ritri waparacna aiŋmo ma Iesus Karaisa neaŋnandet.”

Iudananda gaird ndamŋirena, Tip Wandikca mimo otacnande

17 Na aku mandeaca nenmo Iudanandmo kammaŋ, na ne gaird ndamŋirena, mina nenmo ritri waparac mo te, Tip Wandikca nenmo otacna min. Na ne ndorita iremb aŋgira ŋgepreke, aindoprena, “Aia Raraŋ Aetaniacna wiwitnan.”

18 Na ne Raraŋ Aetaniacna toŋtoŋa ne lamŋirena, ne Tip Wandikna riptia aŋgira mai-rina, airda moca ne aindoprena, “Tipemb kirarir wandoik laiŋga anna laŋ.”

19-20 Na ne gaird ndamŋirena, “Tip Wandik mbuŋa, aia anna landamŋi laŋapa kam

2:15-16 Mt 25.31, na Up 10.42, na 1 Ti 1.11, na 2 Ti 2.8, na 4.1, na 4.8 **2:17** Ais 45.25, na In 8.33, na 2 Ko 11.22, na Ie 2.19

2:19-20 Mt 15.14, na 23.16-19, na Lk 18.9, na In 9.34, na 9.40, na Ro 6.17, na 2 Ti 1.13, na 3.5, na 3.15

gidikna miniņa aia maņģirat, aintik aia lamnik ņgoriktan tocna meikramtairmo, taup wandac taņa min. Na an neaup ndeacrena meikramtairmo, aia memetac nakirar toc ndeacnande. Na aia an landamņiar kocorta meikramtairmo riptiar neaņrena. Na aia mombonik tekira riptirena ririptiar.”

²¹ Aintik anna gidik, ne meikramtair ndeidmo riptirenan. Na kaina moca ne ndori koindmo ripti ņgocor? Na ne gaindoprena, “Meikramtaira, kai makim teac.” Na ne ndori koinda, ne mba makimre ki?

²² Na ne gaindoprena, “Laņtangoarta meikramtaira mina tipemb ņgadudukca morena meikramtairta tipemb kirarira kai mo teac.” Na nen koinda, ne aida mba more ki? Na ne an mirpembraraiņa dawarmo mba toņgorena, na ne ndori koinda, minmo mirpembraraiņa ņgomrorta, reikmo mba makimre ki?

²³ Na ne ndorita iremb aņģira ņgepca gaindoprena, “Aia Raraņ Aetaniacna Mosesna Tip Wandikca lamņirena.” Na ne an Tip Wandikmo mba raņgairenan, na an tipna kirar mbuņa ne Raraņ Aetaniacna ia moa ņgocrairena.

²⁴ Na Raraņ Aetaniacna timbigta kapca gan tip kirarna kamma eacrenanna gaindopatna, “Ne ainta tipemb kirarira raņgaireke, Iudana meikramtair wanaiņa Raraņ Aetaniacmo peperena kamb ņgorik topreke, mana imo moa ņgocrairena.”

Tikiņit katacna tipna kirar ņgoin

²⁵ Anna gidik, aina Iudana tipna kirara aia tikiñit katacrena tipna kirara anna lañ, na u Tip Wandikca rangai te. Na ñarikca u an Tip Wandikmo, u mba rangai ngocor te, una tikiñit kataca eacrenan anna mindacniñ, u anna tikiñit katac ngocorta ramootna kirara u aind ndarua eacnande.

²⁶ Na ramootta mina mana tikiñit katac ngocor, na ma Tipemb Wandikmo muruña wandoña rangairenan, na an ramoot mina mana tikiñit kataca eacrena ramootna kirar toc ndeacnande.

²⁷ Na anna gidik, ne Iudanangepca Tip Wandikca nena timbigta kap ndeacrenan, na mina nena tikiñitmo katacrinan. Na u Tip Wandikmo rangai ngocor te, na kabena ramootta Tip Wandikmo, matau ngoinna rangairenanna, mindacniñ, mina mana tikiñita katac ngocor, ma nenmo ritrinandet.

²⁸ Na ramootta Iudana i kamaind angica eac te, ma Iuda ngoinna wanaiñ. Na tikiñit katacrena tipna kirara, anna tik muruña reaca niñgikca wanaiñ.

²⁹ Na ramootta Iudanangepnan, mana iro inikca ma Iudanangep ndeac te, ma Iudanangep gidik. Na tikiñit katacna tipna kirara gidik ngoin, na an tipna kirar toco mana nikinik iro ngoin ndiñ ndeacnande. Na ma mba an Tip Wandikca mina tirca eacrenan ndiña mba ranğaica larurinan, wanaiñ. Na anna

2:25 Ier 4.4, na 9.25, na Gal 5.3 **2:26** Gal 5.6 **2:28** In 7.24, na 8.39, na Ro 9.6-7 **2:29** TW 30.6, na 1 Ko 4.5, na 2 Ko 10.18, na Kol 2.11, na 1 Pi 3.4

Raraŋ Aetaniacna Ɗeroŋ Ratna reac, ma ndo moa larurena. Na aind tocna ramootta ma meikramtairta lamnik ŋgoutmo anna i aniac mba aŋgiritndai. Wanaiŋ. Ma Raraŋ Aetaniacna lamniac ŋgoutmo, ma i aniacap.

3

Tip kirar ŋgoreaca tip kirar laŋa moi irikna minna wanaiŋ

¹ Na tikiŋit kakatacna tipna kirara, anmo tikna reac niŋgik ecte, ainda mo te, Iudananda kabena meikramtairmo titoca kunni laruit? Na kaina reac laŋa ndo tikiŋit kakatacna reacna kirar toc ndaruit?

² Kaica! Raraŋ Aetaniaca Iudanandmo, reik laŋga neaŋga mamaiat, na out ŋgoinna gaind, Raraŋ Aetaniaca ndona kamma Iudanandmo neaŋgatna, te, mina anmo raupŋina.

³ Na anna gidik, ndeida an kamma mba raŋgaiatke. Na kaica? Na mina anna ripac kocor te, anna moca Raraŋ Aetaniaca ndona kamma raŋgainandet ki?

⁴ Wanaiŋ ŋgoin, meikramtair muruŋa parurenan, na Raraŋ Aetaniac man kabe, ma ndo kam gidikca memetmbacmo ndoprena. Ainda moca Raraŋ Aetaniacna Timbigta Kapca gaindopatna,

“Raraŋ Aetaniac, u ndona kirar wandoŋa raŋgaica
u aukmo ritri waparaca mo.

3:2 TW 4.7-8, na Ɗap 147.19-20, na Ro 2.18, na 9.4 **3:3** Ro 9.6, na 10.16, na 11.29, na 2 Ti 2.13, na Ib 4.2 **3:4** Ɗap 51.4, na 62.9, na In 3.33

Na mina umo ritri waparaca mona ndop te.
 U mbopi piarkena min, na u makukar kocor.”

⁵⁻⁶ Na titoca mo te? Aina tipemb kirarir ngorikca, Raraŋ Aetaniacna tip kirar wandonjo mo raekca wandac te, aia anmo titoca mbopit? Na an min Raraŋ Aetaniaca aina tipemb ngorikta makukarmo opoik ngoreac anna ruti te, anna ma tipna kirar ngoreaca moapek ki, a? Wanaiŋ ngoin. Na ainta iroar landamjiara, anna aina meikramtairta iroar tingik punja tarurena. Na Raraŋ Aetaniac, ma tipna kirar wandonja memetmbaca rangai ngocor te, titoca tikca ma meikramtair muruŋna ritri waparaca moit?

⁷ Na anna ramootta ndona iro mbuŋ ndoprena kamna kirar toca aindoprena, “Aukna paparuna kamma Raraŋ Aetaniacna kam gidikmo moi laru te, anna mana i aniac aŋgira ngeprenan ngoin, na kaica ma aukmo an tip ngoreacna makukca morena ramoot ndopca, na ma aukmo an opoik ngoreac neaŋna moek?”

⁸ Na aind tocna kamna tipna kirara gan peperena kam ngoreac toco gaindoprena, “Aria, aia tip ngoreaca mona, an tipna kirar mbuŋa taup laŋa larunande.” Na ramtair ndeida paparuna kamma aukmo ninjea gaindoprena, kamma aku ndo wiwitirenan, anna ma an peperena kam ngoreacna kirar toc. Na Raraŋ Aetaniaca ma an meikramtairta ritri waparaca moca mina morena tipemb kirarir ngorikta opoik ngorik neaŋnande.

Ramoot ianna tipemb kirarir wandoik tingikca mba morenanna

⁹ Na kaica? Narikca aia Iudananda, kabena meikramtairmo tamuŋ ngoin ki? Wanaiŋ ngoin. Na aia mboprina tip ngoreacna makukca aimo Iudananapa, aimo Iudana meikramtair wanaiŋ ndeacrena meikramtairap, aimo muruŋa wiŋga kitaca eacrena.

¹⁰ Na Raraŋ Aetaniacna Timbigta Kapna kamma gan kammo gainoprina,

“Ramoot ianna
tip kirar wandoŋa mba morenanna.
Wanaiŋ ngoin.

¹¹ Na ramoot ianna landamŋi laiŋ kocor.

Na ramoot ianna
Raraŋ Aetaniacna orena aiŋa mo
ngocor.

¹² Na mina muruŋcamiŋa mina taup laŋa
tikcaririna,
na mina muruŋa kirar kabe toc ngoin.
Na mina muruŋa ngoreac ngoin.

Na mina ianna tip kirar laŋ ianap mba more-
nanna.
Wanaiŋ ngoin.

¹³ Na mina upna kamma
anna mukca tiŋ gootta eacrena kirar toc.
Na mina paparuna kamb ndoprenan.
Na mina upembca ramootta mo ngocraina kam-
bca tikrena,
na anna nduop ngoreacna kocna kirar toc.

- 14 Na memetmbaca mina kabena meacramootmo
moi ngocraina kam ndop te,
minmo makukar neañna kam ngoreaca
an ndoprena.
- 15 Na memetmbaca mina kabena meacramoota
riñ menacna ootta tañrena.
- 16 Na mina wanaiña tañreke,
meikramtaira mo ngocraina reikca
moca mina eteacna watta
mo ngocraica minmo makukca
neañnande.
- 17 Na mina kabena meikramtairmo,
nikinik iroar wewettar
momona kirara mina mba lamñirenanna.
- 18 Na mina Rarañ Aetaniac nake,
rugutta mba morenanna.”

19 Na aia lamñirena, an kambca muruña Tip
Wandikca moatnan, anna ma meikramtaira Tip
Wandikna kañgaukca eacrenanna neañrinan.
Ainda moca ramoot ianna gaindopna minna
wanaiñ, “Aku ramoot wandoñ lañ.” Wanaiñ.
Aia tenten ndeacrena meikramtair aia muruña
Rarañ Aetaniacna lamniacmo aia laña mba
eacreke.

20 Ainda moca Tip Wandikca ranťangaina tip
kirara gaind, “Ramoot ianna Tip Wandikca
ranťai ngocor te, ma Rarañ Aetaniacna
lamniacmo wandoña mba eacrenanna?”
Wanaiñ. Na Tip Wandikca anna aina morena

3:14 Njap 10.7 **3:15** ML 1.16, na Ais 59.7-8 **3:18** Njap 36.1
3:19 In 10.34, na Ro 1.20, na 2.2, na 3.9, na 3.23 **3:20** Njap
143.2, na Up 13.39, na Ro 7.7, na Gal 2.16, na Epe 2.8-9, na Ta 3.5

tipemb ngorikta makukarta kirarir tingik wandacrena, na an ningik.

Ramootta Karaisa ripacrenan ma ramoot wandonna iap

²¹ Na mandeacna minna kirara Raraŋ Aetaniaca morinanna, na ma aimo meikramtairmo wandoik ngacrinanna, ma larua raek matikri. Na anna Tip Wandikna taup ndiŋa ranŋaica mba laruri. Wanaiŋ. Anna ma kabena taup ndiŋa larurina. Na ma Tip Wandik ndeacrena kambapa rambca morina ramtairta timbigta kap ndeacrenanna, anna Raraŋ Aetaniac moatna kirarirta kamma anmo wiwitiatna.

²² Na an taupna kirara anna gaind. Meikramtaira muruŋcamiŋ ngoinna Iesus Karaisa ripacrenanna, Raraŋ Aetaniac, ma minmo meikramtair wandoik ngacnande. Na kabena taup ianna mac eac ngocor. Wanaiŋ ngoin.

²³ Na aia meikramtaira muruŋcamiŋa tipemb ngorikta makukara morenan, aia manmo tawan maecreke. Aintik aia Raraŋ Aetaniacna i aniac anŋina minna wanaiŋ.

²⁴ Na Raraŋ Aetaniac ma aina moca kadmatna, an aiŋna opoik aniaca Karais Iesusa moatnanna, ma meikramtair mac nda anŋina moatnan tik. Na Raraŋ Aetaniaca aimo meikramtair wandoik ngacrina. Na aia meikramtair wandoik

3:21 Up 10.43, na 15.11, na 26.22, na 1b 11.4, na 1 Pi 1.10 **3:22** Ro 1.17, na 10.12, na Gal 2.16, na 3.28, na Kol 3.11 **3:23** Ro 3.9, na 5.2, na 11.32, na Gal 3.22 **3:24** Ro 5.1, na Epe 1.7, na 2.8, na Kol 1.14, na 1 Ti 2.6, na 1 Pi 1.18-19

ndarunake, aia aiŋ ianna moca laru ŋgocor. Wanaiŋ. Raraŋ Aetaniaca aimo wanaiŋ ŋgoinna Karais Iesusna para neaŋgatna.

²⁵ Na Raraŋ Aetaniaca Iesusmo larapacatna, na ma menac te, mana racaindpaikca laruca ruŋkinande, te, an meikramtair wiŋ aniaca mana riŋpacrinanta tiŋpemb ŋgorikta makukara moi kecarinande. Na an kirar mbuŋ, Raraŋ Aetaniaca aimo wandacrina, an kirara ma morinanna aimo meikramtair wandoik ŋgacnande. Na atua Raraŋ Aetaniaca meikramtairmo laŋanna tikca mori, na ma mina morena tiŋpemb ŋgorikta makukarta opoik ŋgorikmo mba tawia neaŋgatke.

²⁶ Na gan mandeacna minna, Raraŋ Aetaniaca aimo ainda wandacrina, ma ndo ŋgoinna ma wandoŋ ŋgoin. Na meikramtaira muruŋcamiŋa Iesusa riŋpac te, Raraŋ Aetaniaca minmo meikramtair wandoik ŋgacnande.

²⁷ Ainda moca mandaia ndo, ndona imo aŋgiri ŋgepit? Anna meacramoot ian ŋgocor. Na an i aŋgira ŋgeprena kirara kocnai ŋgoin mamairi. Na tiŋ wandikca ranŋaŋgaina taupca, ma gan i aŋgi ŋgepna kirarna taupmo, mo kecar i ŋgocor. Na ma aina ritipacna taupna i aŋgira ŋgeprena kirara anna moa kecariatna.

²⁸ Ainda moca mandeaca aia gaimd ndamnjirena, aia Raraŋ Aetaniacna lamniacmo meikramtair wandoik ndarurina, na an tiŋ

3:25 Up 13.38-39, na 17.30, na Epe 1.7, na Kol 1.20, na Ib 9.15

3:27 Ro 2.17, na 2.23, na 1 Ko 1.29-31, na Epe 2.9

3:28 Up 13.38-39, na Ro 3.20-22, na 8.3, na Gal 2.16

wandik mbuja mba ranjaica laruri, wanaij, anna ritipacna taup mbuj ningik.

²⁹ Na titoca moca? Na an Raraŋ Aetaniac, ma Iudananta Raraŋ Aetaniac ningik, ki? Co, Iudana meikramtair wanaijnanta Raraŋ Aetaniaca wanaij, ki? Wanaij. Na ma toco ma Iudana meikramtair wanaijnanta Raraŋ Aetaniac.

³⁰ Na Raraŋ Aetaniac, ma ndo kabe ningik. Na ma ramtaira tikiŋit kakataca Iesusna ritipacap eacrenanmo, ma mina watrenan. Na ramtaira tikiŋit katac ngocora Iesusa ripacrenan, ma mina nginaŋa morena. Na ma minmo muruŋcamiŋmo meikramtair wandoik ngacrena.

³¹ Na aia gaindop te, ritipaca anna reac lacau. Na aia Tip Wandikmo reac ngoreac ki ndopit ki? Wanaij ngoin. Aia Tip Wandikmo moi gagraana.

4

Raraŋ Aetaniaca Abraammo ramoot wandoŋ ngacatna

¹ Na Abraamma ma aina kirar, na ma aina ngamair. Ainda moca aia manmo kaina kam ndopit?

² Na anna gidik ecte, Abraamma moatna tipemb kirarira laiŋ co, an kirarir laiŋ puŋga ma ramoot wandoŋ laiŋ ndaru te, na ma ndona i anŋira ngep mbe. Na Raraŋ Aetaniacna lamniaca watrenanna, ma an kirarir puŋga, ramoot wandoŋa mba laruatke.

3:29 Ro 10.12 **3:30** TW 6.4, na Ro 4.11-12, na Gal 3.8, na 3.20, na 3.28 **3:31** Mt 5.17, na Ro 8.4 **4:2** Ro 3.20, na 3.27-28

³ Na titocna kamma Raraŋ Aetaniacna timbigta kap ndeacrenan? Na ma gaindopatna, “Abraamma Raraŋ Aetaniacna kamma riŋacri, ma manmo ramoot wandoŋ ŋgacatna.”

⁴ Na ramootta aiŋa mo te, ma anna opoikca aŋŋinande, na an opoikca anna aia gaimda mba mboprenanna, anna wanaiŋa neaŋrena reac laŋna opoik. Wanaiŋ. Anna aiŋ mac nda rutina reac niŋgik.

⁵ Na ramoot ian, ma ndomo Raraŋ Aetaniacna lamniacmo, ramoot wandoŋ ndaru ndop te, ma kaia moit? Na ma aiŋ gargarna kirarir laiŋga mo nake, kai mo teac, te, ma gaimda riŋacna, Raraŋ Aetaniac ma an tiŋpemb ŋgorikta makukara morenanmo, meikramtair wandoik ŋgacna min. Na Raraŋ Aetaniac manmo ramoot wandoŋ ŋgacnande.

⁶ Na Dewit toco, gaimd točna kamna kirar ndopatna. Na an meikramtaira Raraŋ Aetaniacna lamniac ŋgoutta wandoik taruna ndop te, mindacniŋ mina tiŋpemb kirarir laiŋga mo mairinan, co, wanaiŋ. Mina muruŋcamiŋa toŋgoca werainande.

⁷ Na Dewitta ma gaimdopatna,

“Raraŋ Aetaniaca an meikramtairta makukara
mo kecarite,
ma mina morena tiŋpemb ŋgorikta makukara mo
kecariekna meikramtair,
mina toŋgo wereinande.

8 Na Kacootta an ramootna morina tip ngoreacna makukca ndarekrekke te, ma tongoca wereinande.”

9 Na moca tikiñit katacarenanna, ndori tongoca weraiit ki, a? Co, tikiñit katac ngocortan toco, mina tongoca weraiit ki? Na aia matau lamñi rapac. Na aia gaindoprena, Rarañ Aetaniaca Abraamna ritipaca watca ma manmo ramoot wandoñ ngacrena.

10 Na Abraamma titoc ndeacri, na ma tikiñit katac ngocor ndeacri, co, ma tikiñit katac acrinan, na Rarañ Aetaniaca manmo ramoot wandoñ ngacatna? Ma tikiñit katac ngocor ndeacri, Rarañ Aetaniaca manmo ramoot wandoñ ngacrina.

11 Na an min, ma tikiñit katac ngocor ndeacri, ma Rarañ Aetaniaca ripaca, Rarañ Aetaniaca manmo ramoot wandoñ ngacatna. Ri, Rarañ Aetaniaca manmo an tikiñit kakatacna tipna kirar neangatna, anna mana ngagatrac, ma ainda mo te, Rarañ Aetaniaca manmo ramoot wandoñ ngacnande. Ainda moca Abraamma ma Rarañ Aetaniacna ripacrena tikiñit katac ngocorta ramtair muruñna ngamair ndeacnande, na an ramtairmo Rarañ Aetaniaca minmo ramtair wandoik ngacnande.

12 Na ramtair ndeida tikiñit kataca eacrenan, mitoco Abraamna ngamrir. An ramtaira mina tikiñita wanaiña mba katacni, wanaiñ. Mina tikiñit kataca, mitoco aina ngamair

Abraamna taupca ranğaica mina Raraŋ Aetaniaca riŋpacatna. An minna Abraamma tikiŋit katac ŋgocor ndeacri moatna kirar.

Raraŋ Aetaniacna bababua anna riŋpacrena meikramtair muruŋnan

¹³ Na atua Raraŋ Aetaniaca Abraamapa mana ŋgamrirta wiwitta babua mbopatna, ma minmo pitrikara muruŋa neaŋnande. Na Abraam, ma tip wandik ndeida mba moca Raraŋ Aetaniaca manmo an nake, mba babuatna, wanaiŋ. Abraamma Raraŋ Aetaniacna kamma riŋpacri, Raraŋ Aetaniaca manmo ramoot wandon ŋgacatna, aintik Raraŋ Aetaniaca Abraammo an bababua moatna.

¹⁴ Na anna gidik ecte, meikramtaira tip wandikca ranğairenanna, mina ndori an Raraŋ Aetaniaca neaŋ ndopca babuatna reikmo mina ndori anğinande, te, an ritipacna tipna kirara anna reac wanaiŋ ndacarinande. Te, Raraŋ Aetaniacna bababu toco, anna reac wanaiŋ ndacarinande.

¹⁵ Na aia lamŋirena, an minna tip wandikca eacri, meikramtaira an tip wandikca ranğai ŋgocor ndacarica, anna ndo moca, makukca larunande. Na an minna tip wandikca eac ŋgocor te, aia gainda kai mbop teac, ramootta tip wandikca mba ranğairena.

¹⁶ Na Raraŋ Aetaniaca Abraamapa mana iŋmbai ndaruekna ŋgamrirta kadmaica

4:13 RL 17.4-6, na 22.17-18, na Gal 3.29 **4:14** Gal 3.18 **4:15** Ro 3.20, na 5.13, na 5.20, na 7.8, na 2 Ko 3.7-9, na Gal 3.10, na 3.19
4:16 Ro 3.24, na Gal 3.7, na 3.22

ma Abraammo gan bababua moatna. Meikramtairmo Raraŋ Aetaniaca minmo neaŋ ndopca babuatna reikca mina an aŋgi ndop te, mina Raraŋ Aetaniacna kamma ripac te, mina aŋginande. Na an reikca anna meikramtaira Tip Wandikca raŋgairenan tingiknanna wanaiŋ. Na meikramtaira muruŋcamiŋa Abraamna ripacrina kirara ripac te, an reikca mitoco aŋginande. Na Abraamma ma aina muruŋcamiŋa ŋgamair paŋan.

¹⁷ Na anna Raraŋ Aetaniacna timbigta kap mboprina kamna kirar, “Aku unmo moi aŋgiri u gan tiacarpaikna pitrik waŋgorta meikramtair wit aniacna wiwitna ŋgamair paŋan ndeacnande.” Na an bababua Raraŋ Aetaniacna lamniac ŋgoutta maeacreke. Na Abraam, ma an Raraŋ Aetaniaca ripacrena, ma an menacrinanmo wat neaŋreke mina mac nda ŋgeprena. Na ma kam niŋgik ndopreke, an eac ŋgocorta reikca larurena.

¹⁸ Na Abraam, ma lamŋi ŋgocor, an reikca Raraŋ Aetaniaca mo ndopca babuatna reikca ma titoca tiki moit. Na Abraamma ma ripaca lamŋirina an reik, mina larunande. Aintik, “Ma gan tiacarpaikna pitrik waŋgorta meikramtair wit aniacna ŋgamair,” an Raraŋ Aetaniaca mbopatna kirar, “Abraam una mombonikta ŋgamrira, mina wit aniac ŋgoin ndarunande.”

¹⁹ Na Abraamna iarira taŋga 100na min toca tikatke, mana tikca menaca ma moonnuocmo

4:17 RL 17.5, na Ais 48.13, na 1 Ko 1.28, na Epe 2.1, na 2.5, na 1 Pi 2.10 **4:18** RL 15.5, na Ib 11.1 **4:19** RL 17.17, na 18.11, na Ib 11.11-12

mo laruna minna wanaiŋ. Ri, ma gaind ndamŋiatna Sara, moonŋnuoca mirna minna wanaiŋ. Na mana ritipaca gargar ŋgoin, anna bebede ŋgocor.

²⁰ Na Raraŋ Aetaniaca an reikca mo ndopatke, ma babuatna. Na Abraamma an bababuna kammo iro mbuniŋa mba aŋgiri, na ma ndona ritipaca mba kecariri. Wanaiŋ ŋgoin. Mana ritipaca manmo moa gagra. Na ma Raraŋ Aetaniacna i aniac aŋgira ŋgeprina.

²¹ Na Abraamma gaind ndamŋirinanna, Raraŋ Aetaniaca mo ndopca babuatna reaca ma mona min.

²² Ainda moca Raraŋ Aetaniaca Abraamna ritipaca watca, “Ma manmo ramoot wandonŋ ŋgacrina.”

²³ Na an kamma Raraŋ Aetaniacna Timbigta Kap ndeacrenanna gaindopatna, “Raraŋ Aetaniaca Abraammo, ramoot wandonŋ ŋgacatna.” Na an kamma ma Abraam niŋgik nake, mba mbopatke. Wanaiŋ.

²⁴ An kamma ma aina moca ma mbopatna. Na ai toco, anna ripaca, an Raraŋ Aetaniac, ma Iesusa menacrinanna, ma manmo mac nda moca ŋgepatna anna aina Kacoot, ma aina ritipaikca watca anna ndamŋi te, ma aimo meikramtair wandoik ŋgacnande.

²⁵ Aintik Raraŋ Aetaniaca ramtairmo wattacarina mina Iesusmo mo menacatna, te, ma aina tipemb ŋgorikta makukara moi kecarina. Na

4:21 Ŋap 115.3, na Ib 11.19 **4:22** RL 15.6 **4:24** Up 2.24, na 13.30, na Ro 15.4, na 1 Pi 1.21 **4:25** Ais 53.4-5, na 1 Ko 15.17, na 2 Ko 5.21, na Gal 1.4, na 1 Pi 1.21

Raraŋ Aetaniaca manmo muk ndiŋa mac nda moca ŋgepatna, na aimo meikramtair wandoik ŋgacna moca.

Aia Karaisap menacrina aina eteacna watta manap eacnande

5

(5—8)

Raraŋ Aetaniaca aimo meikramtair wandoik ŋgacatna

¹ Na aia ripacat tik, Raraŋ Aetaniaca aimo meikramtair wandoik ŋgacrina. Aintik aina Kacoot Iesus Karaisa aimo moa aia Raraŋ Aetaniacac nikinik iro wetwet ndeacri.

² Na Iesusa aimo ritipaikta meikramtairmo, Raraŋ Aetaniac ndambuŋa taŋna taup gootatna, aimo an Raraŋ Aetaniacna kakadmaina kaŋgaukca mbukna moca, mandeaca aia eacreke, Raraŋ Aetaniacna ndabirena, ma kipca aimo aŋgi taŋca aia manap tamuŋna auŋna reik laiŋ, laiŋ koind aŋginande, anna ndo moca aia toŋtoŋgar koind teacnande.

³ Na aia an niŋgikna toŋtoŋa mba morenanna. Wanaiŋ. Na aia toŋtoŋ niŋgik, an meikramtaira aimo neaŋgekna makukar ŋgoriknan. Na anna aia lamŋina, aia makuk aŋgi te, anna ndo aina nikinik iroarmo, moi gaganande.

5:1 In 16.33, na Ro 3.24, na 3.28-30, na 4.24, na Epe 2.14, na Kol 1.20 **5:2** 1 Ko 15.1, na Epe 2.18, na 3.12, na Ib 3.6, na 10.19

5:3 Up 5.41, na 2 Ko 12.10, na Pil 2.17, na Ie 1.2-3, na 1 Pi 1.5-7, na 3.14

⁴ Na aia gagaraca aind ndeacraŋ te, na aimo to-towaira larua towai te, aia witiki gagarana min. Na aia witiki gagaraca an totowairmo anġia aia irik ŋgocor te, Raraŋ Aetaniaca ma lamŋirena aia laiŋ, na aia toŋgoca Raraŋ Aetaniaca riŋaca mana lambirena, ma aimo otaca aimo mac nda anġinande.

⁵ Na aia ndorimo Raraŋ Aetaniacmo, ndorimo otacna moca anna ndabi te, aia wanaiŋa mba lambiitndai. Wanaiŋ. Raraŋ Aetaniaca aimo matŋia ma aimo Ŋeronŋ Rat neanġatna, mana meikramtaira matau momona kirarir koinda, anna Ŋeronŋ Ratta aina iroar inkara tikatna.

⁶ Na an minna aia ndori ŋgotacna gagarar kocor ndeacri, Raraŋ Aetaniaca ra ŋganŋia, Karaisa menaca aimo tipemb ŋgorikta makukara morena meikramtair mac nda anġina ndopca.

⁷ Na anna gidik ŋgoin, aina ianna ramoot wandonŋ ian ŋgotac nake, ainda mba menacitndai. Na ŋarikca aia wat te, ramoot ianna mana morena tipna kirarira laiŋ koinda mo te. Anna laŋ, moca aia ndeida iroara moi gagaraca man ŋgotacna menacnandet.

⁸ Na aia tip ŋgoreacna makukara morena meikramtairta kirar ndeacrena. Ainda moca Karaisa ai ŋgotacna moca ma menacatna. Na an kirar mbuŋa Raraŋ Aetaniaca aimo ainda wandacatna, ma aimo mamatŋi bagaraniacap tik.

5:5 Ŋap 22.5, na 25.20, na 2 Ko 1.22, na Gal 4.6, na Epe 1.13-14, na Ib 6.18-19 5:6 Ro 4.25, na 5.8-10 5:8 In 3.16, na 15.13, na 1 Pi 3.18, na 1 Io 3.16, na 4.10

⁹ Na Karaisa menaca, mana racaindpaikca irikca aina tipemb ngorikta makukarmo tuki-atna. Na mandeaca Raraŋ Aetaniaca aimo meikramtair wandoik ngacrina. Ainda moca aia mandeaca matau lamŋi rapac, ma aimo memetmbac ngotac te, Raraŋ Aetaniaca an tipemb ngorikta makukara morenanmo, ma mo ngocrainande.

¹⁰ An minna aia Raraŋ Aetaniacmo puŋdamootta moca eacri, mana Nuoca an puŋdamootna tip kirara morenan, na an tip kirara moi mboracna moca ma menacri, ma aimo aŋgira Raraŋ Aetaniacap iro kabea tikatna. Na mandeaca Raraŋ Aetaniacna Nuoca ma eteacna wat maŋgiri. Na aia Raraŋ Aetaniacap iro kabea tikrina meikramtair, aia matau ngoin ndamŋirina, an Nuocna eteacna wat mbuŋa Raraŋ Aetaniaca aimo mac nda aŋginande.

¹¹ Ri, reac ianna gaind, aina Kacoot Iesus Karais, ma aimo moa aŋgira Raraŋ Aetaniacap iro kabea tikca, ainda moca mandeaca aia Raraŋ Aetaniacmo tonŋon bagaraniac ngoin.

Adamma memenaca moa laruri Iesusa eteacna watta moa laruatna

¹² Na aia lamŋirena, ramoot ianna ma tip ngoreacna makukca mori, an tip ngoreacna makukna kirara, gan tiacarpaik ndaruca, memenaca moa laruatna. Aintik meikramtaira mu-

5:9 Ro 1.18, na 2.5, na 2.8, na 3.25, na 1 Te 1.10, na Ib 9.14, na 1 Io 1.7 **5:10** In 14.19, na Ro 8.7-8, na 2 Ko 4.10-11, na 5.18-19, na Kol 1.20-21 **5:12** RL 2.17, na 3.6, na 3.19, na Ro 6.23, na 1 Ko 15.21

ruŋa tipemb ŋgorikta makukara mori, na memenaca minmo muruŋ maanŋiat.

¹³ Na Tip Wandikca laru ŋgocor ndeacri, an minna tip ŋgoreacna makukca atuna gan tiacarpaik anŋiatna. Na Tip Wandikca eac ŋgocor co, Raraŋ Aetaniaca an meikramtairta morena tipemb ŋgorikta makukara kabe, kabe nake, mba lamŋi mbe.

¹⁴ Na Adamna minna tikca kipca Mosesna min mbuŋ, memenaca meikramtairmo muruŋa mo irikrinan. Ri, meikramtair ndeida, mina an Adamna moatna tip ŋgoreacna makukna kirara mo ŋgocor, na memenaca min motocmo mo irikatna.

Na Adam, ma an inŋmbai nakipna ramootna ŋgagatracna kirar.

¹⁵ Na Adamna tip ŋgoreacna makukapa Raraŋ Aetaniacna kakadmains opotaca, maniŋa kirar kabea wanaiŋ. Wanaiŋ ŋgoin. Ramoot kabe moatna tip ŋgoreacna makukna moca, kabena meikramtair wit aniacna anna menacrena. Ri, Raraŋ Aetaniacna kakadmains opotaca, an memenacna gargara mo irikca, ma kunda tamuŋ ŋgoin ndeacreke, meikramtairmo larurena. Ri, an ramoot kabe, Iesus Karaisna kakadmains opotac manan mbuŋa, Raraŋ Aetaniaca meikramtair wit aniacmo, moa anŋira meikramtair wandoik ndaruatna, anna Raraŋ Aetaniacna kakadmains opotac laŋ, ma aia neanŋrina.

¹⁶ Na an Raraŋ Aetaniacna kakadmains opotaca, an ramoot kabe moatna tip ŋgoreacna

makukca, maniņa aimo kirar kabea mba mori. Wanaiņ ņgoin. An ramoot kabe moatna tip ņgoreacna makuk kabena moca Raraņ Aetaniaca meikramtairmo, anna ritri waparaca mona moca gaidopatna, “Mina kocnai ņgoinna topnandet.” Na Raraņ Aetaniacna wanaiņ ņgotac ndoprina opotaca gaid, meikramtaira tip ņgoreacna makukca memetmbaca morenan, Raraņ Aetaniaca mina nakadmaica minmo otaca minmo meikramtair wandoik ņgacnande.

¹⁷ Na ramoot ianna ma kammo ndarinan, an ramoot kabena moatna tip ņgoreacna makukca memenaca moa laruca, mandeaca memenaca gagrirta ramoot paņanna kirar ndaruca, meikramtairmo muruņa moa irikri. Na gan ramoot kabe Iesus Karaisna aiņ mbuņ tik, Raraņ Aetaniacna kakadmaiapa opotac mananna, an memenacna gargarmo kunda tamuņ ņgoin. Ainda moca aia lamņirina, meikramtaira muruņcamiņa an Raraņ Aetaniacna kakadmaiapa opotac aņģi te, Raraņ Aetaniaca minmo meikramtair wandoik ņgacnande, te, minmo eteacna wat neaņ te, minmo gagrirta ramtair paņainda monande.

¹⁸ Aintik aia gan kambta iroarmo matau lamņi rapac. Ramoot ianna tip ņgoreacna makukca moatna, ri, Raraņ Aetaniaca aimo meikramtairmo muruņcamiņa an tip ņgoreacna makukmo ritri waparaca monandet. Na an tip kirarna iro, ramoot ianna ma tip wandoņa morinan, Raraņ Aetaniaca anna ndamņi te, ma aimo meikramtairmo muruņcamiņa ma aimo

meikramtair wandoik ngacnande, na aimo iarwarna eteacna wat neannde.

¹⁹ Na ramoot ianna ma kam mbarac ngocor ndecatke, mana an kirara meikramtair wit aniacmo moca mina tipemb ngorikta makukara momona meikramtair ndaruatna. Aintocna kirara ramoot ianna ma kam mbaracri, mana an kirar mbuņa meikramtair wit aniaca wandoik ndarunande.

²⁰ Na an minna meikramtaira Tip Wandikca angica rangairenan, mina an Tip Wandikmo memetmbaca njanari rangai ngocora moran te, an meikramtairta tipemb ngorikta makukara ma acnainandet, na Raranj Aetaniacna kakadmai bagarianiac ngoinna, anmo kunda tamuņmbai ndeacrina.

²¹ Na tip ngoreacna makukca ma memenaca moa larua, an tipna kirar mbuņa tip ngoreacna makukca gagrirta ramoot panjan toc ndaruatna. Na aina Kacoot Iesus Karaisna ainj mbuņa, Raranj Aetaniaca aimo anna kakadmaina opotaca moca, ma aimo meikramtair wandoik ngacri, aia iarwarna eteacna wat anginande. Ainda moca Raranj Aetaniacna kakadmaina opotaca, mandeaca ma gagrirta ramoot panjanna kirar ndarunandet.

6

Aia Karaisap menacatna

¹ Na mandeaca aia anmo titocna kam ndopit? Aia gaidopna min ki, "Aia tip ngoreacna

5:19 Ais 53.11 **5:20** In 15.22, na Ro 3.20, na 4.15, na 7.8, na Gal 3.19, na 3.23, na 1 Ti 1.14 **5:21** Ro 6.23 **6:1** Ro 3.5-8, na 6.15

makukmo memetmbaca moran, na Raran Aetaniaca anna moca ma memetmbac nakadmairannde," aia aindopit ki, a?

² Wanaiŋ ngoin. Aia menaca maica eacrena meikramtairta kirar, an tip ngoreacna makukca aia ndarekrekerina. Na kaina moca aia an tip ngoreacna makukmo memetmbaca moca tanraŋna?

³ Na aia Iesus Karaisa ranŋaica kitac puk anŋiatna, ri, an tipna kirar mbuŋa aia muruŋcamiŋa mana memenacap mikrina. Na ne an nake mba lamŋire ki, a?

⁴ An kitac puk mbuŋa, aia Karaisna memenacap mikrina, na Raran Aetaniaca aimo Karaisap au inikca tikca mutocatna. Ri, Aetta ndona gargar aniac mbuŋa, ma Karaismo mukca tikca mac nda moa ngepatna. Aintik ai toco, an mandeb larurina eteacna watna taup ngamma ranŋaina.

Ai toco an iarwarna eteacna wat anŋica Karaisap eacnande

⁵ Na aia Karaisa mikca, mana menacrina kirara, aia ainda menacatna, na aintocna kirara aia mana mikca menac te, aia man mac nda ngepatna kirara, aia aind mac nda ngepnande.

⁶ Ri, aia lamŋirina, aina nŋauna iroar inkar ngorikca Karaisap ik nakeraca manap menacatna, tip ngoreacna makukna gargara moi topna moca, anna ndo aina tikembca moa

6:2 Ro 7.4, na Gal 6.14, na Kol 3.3, na 1 Pi 2.24, na 4.1 **6:3** 1 Ko 15.29, na Gal 3.27 **6:4** Ro 8.11, na Gal 6.15, na Epe 4.22-24, na Kol 2.12, na 3.10 **6:5** Pil 3.10-11 **6:6** Gal 5.24, na 6.14, na Epe 4.22, na Kol 2.11, na 3.5, na 3.9

ngocrairena. Aında moca aia an tip ngoreacna makukna aiŋ wanaiŋa momona meikramtaira kai eac teac.

⁷ Aintik ramootta menacrinanna, ma tip ngoreacna makukmo, ma mba mikitndai.

⁸ Na anna gidik, aia Karaisap menac te, ai toco matau ripac gagraa an eteacna wat aŋgıca, manap eacna.

⁹ Na aia lamŋirena, Karaisa muk ngetacndiŋ mac nda ngepatna. Na ma mba mac menacitndai, memenaca gagraa kocor, ma Karaismo mac moi menacna minna wanaiŋ.

¹⁰ Na Karais ma kidrik kabe niŋgıcka menacatna, ma mba mac menacitndai, an kirar mbuŋ ma tip ngoreacna makukna gargarna kaŋgaukca mba eacitndai. Na mandeaca Karaisa eteacna wat aŋgıca ma Raraŋ Aetaniacap an eteacna watap eacrena.

¹¹ Anna kirara ne toco gaind točna iro aŋgi. Ne toco menaca, ne an tip ngoreacna makukna gargarna kaŋgaukca mba eacrenanna. Wanaiŋ. Ne toco Karais İesusap miŋka, ne Raraŋ Aetaniacap eteacna wat aŋgıca manap eacnande.

¹² Na ne ndorita tikmo kai watcarica, tip ngoreacna makukca nenmo raupŋi teac, moca ne tip ngoreacna makukca mo nari. Na an tikca ma ngocrainande. Aintik moca tip ngoreacna makukca nenmo wiŋga ne an tik ngoreacna tonŋona raŋgainande.

6:7 1 Pi 4.1 **6:9** KIEK 1.18 **6:10** Lk 20.38, na İb 9.26-28, na 1 Pi 3.18 **6:11** Ro 6.2, na 2 Ko 5.15, na Gal 2.19, na 1 Pi 2.24
6:12 RL 4.7, na Ňap 19.13, na 119.133

13 Na ne kai watcarica tip ngoreacna makukca nena or parap nena tikna reac, reacna kai raupji teac, moca ne tip ngoreaca mo nari. Ne muk ngetacndiŋ mac nda ngepca eteacna wat aŋgiriŋa meikramtairta kirar ndeacrena, ainda moca ne ndorimo aŋgiri Raraŋ Aetaniacna para tikca. Na ne watcarica ma nena tikna reac, reacna nginaŋa mo te. Na ne tipemb kirarir wandoik niŋgikca monande.

14 Na tip ngoreacna makukca ma nena gagrirta ramoot paŋanna mba eacri, aintik mandeaca ne mba meikramtairapa Tip Wandikna kaŋgaukca mba eacreke. Na ne mandeaca Raraŋ Aetaniacna kakadmains opotacna kaŋgauk ndeacrena.

Aia tipemb wandoik laiŋta aiŋa momona meikramtair ndeac

15 Na aia meikramtairapa Tip Wandikna kaŋgaukca mba mac eacrenanna, aintik aia titoca moit? Mandeaca aia Raraŋ Aetaniacna kakadmains opotacna kaŋgauk ndeacrena, ainda moca aia tip ngoreacna makukca momoa, anna laŋ ki? Wanaiŋ ngoin.

16 Kaica ne lamji ngocor? Na ne ndori koinda, ne ndorimo aŋgiri ramoot ianna para tik te, ne mana kamma raŋgainandet, na ne mana tuombta aiŋir kamnderta meikramtair tarunande. Ainta kirara, ne tip ngoreacna makukna tuombta aiŋir kamnderta meikramtair

6:13 Ro 7.5, na 12.1, na Epe 2.5, na 5.14, na Kol 3.5, na Ie 4.1

6:14 Ro 7.4-6, na 8.2, na Gal 5.18, na 1 Io 3.6 6:15 Ro 6.1

6:16 Mt 6.24, na In 8.34, na 2 Pi 2.19

taru te, ne menacnandet. Co, ne Raraŋ Aetaniacna kamma ranŋaica ne meikramtair wandoik ndarunande.

¹⁷ Gidik, ŋgaua ne tip ŋgoreacna makukna tuombta aiŋir kamnderta meikramtair tarurinan, ri, iŋmbaia Raraŋ Aetaniaca nenmo aŋgica ndona kamna kaŋgaukca tikri, na ne an riptimo, nena iroar puŋga matau ŋgoinna ranŋaiatna. Ainda moca an mbuŋ tik, ne Raraŋ Aetaniacmo kam laŋ neaŋ!

¹⁸ Na nena eteaca, ne tip ŋgoreacna makukna wuocna inikna kirar toc ndecatke, ri, Raraŋ Aetaniaca nenmo anna tikca aŋgica, nenmo tipemb kirarir wandoik laiŋga momona tuombta aiŋir kamnderta meikramtaira moatna.

¹⁹ Na ndacpemb koind, ŋgaua aku nemo mbopatna reikca, nena iroara anna ŋaŋari lamŋi ŋgocor, aintik aku aina morina lamŋirina reikta kirarir puŋga, aku kam roormo an reik puŋga kerena. Na ŋgaua ne ndorita tikemb waŋgormo wattacarica, mina tip ŋgoreacna makukna tuombta aiŋir kamndera momona tikemb tarurina, na ne ŋgepca ainta tipemb ŋgorikcapa, kirarir ŋgaduduk kokot ŋgoinna morena. Ainda moca mandeaca ne ndorita tikemb waŋgormo watcarica mina tip kirar wandoŋna tuomna aiŋ kamainda momo ndaru te, ne Raraŋ Aetaniacna meacramoot ŋgoin ndaruca, ne wandoŋ rat ndeacnande.

²⁰ Na an minna ne tipemb ŋgorikta makukarta tuombta aiŋir kamnder ndeacri, ne mba tipemb

kirarir wandoikta tuombta aiñir kamndera momonanna mba eacri.

²¹ Na ñgaua ne an reikca mori, ne kainta reik lainj anğirina, gan ne mandeaca morena tipemb kirarirta reik toc ki? Wanaiñ ñgoin. An tipemb kirarira ramootta moa menacrena.

²² Aintik Rarañ Aetaniaca nenmo tip ñgoreacna makukna tipna tuomna aiñ kamainda morinanna tikca mac nda anğica, ma nemo ndona tuombta aiñir kamnderta meikramtair koinda morina. An reik lainja ma mbopatnanna, ne man ndambuña tikca anğinande. Na ma nemo moi anğiri meikramtair ratar taruca, ne mana tongorena kirarira mo te. Ma nenmo iarwarna eteacna wat neañnande.

²³ Na tip ñgoreacna makukca ma ndona aiñna meikramtairmo opoikca neañrenan. Na an opoikca anna memenac. Na Rarañ Aetaniaca ma aimo wanaiñ ñgotacrena opotaca, anna kakadmaina iarwarna eteacna wat. Na an iarwarna eteacna watta aia anğirenanna, anna aina Kacoot Iesus Karaisna aiñ mbuñ.

7

Mandeac aia iro inik ñgamna kirarirta aiñ niñgikca mo

¹ Ne Iesusa riñpacrena laiplacar, aku nenmo gan kam ndopnande. Ne mandaibinna Tip Wandikca mataua lamñirenanna. Na ramootta menac te, ma Tip Wandikna kanğaukca mba eacrena, na

6:21 Ro 1.32, na 7.5, na 8.6, na 8.13 **6:23** RL 2.17, na Ro 2.7, na 5.12, na 5.15, na Ie 1.15, na 1 Pi 1.4

ramootta eteacna watap eac ngocor, ma Tip Wandikna kanġaukca mba eacitndai.

² Na meaca lanġoca kanġait mananna menac ngocor ndeacraġ te, tip wandikca an meacmo anġira mana kanġaitap mikca eacrena. Na an meac, mana kanġaitta menac te, an tip wandikca maninmo anġira mikca eacrenanna, an tip wandikca manmo mba mac leacitndai.

³ Na ramootta menac ngocor ndeacraġ te, mana meaca kabena ramootap nġo te, ma meacramootna tip nġadudukca morena tip kirara morina. Na meaca mana kanġaitta menac te, anna tip wandikca an meacmo mba mac leacitndai. Aintik an meaca kabena ramoot lanġo te, ma meacramootna tip nġadudukca morena tip kirara mba mori.

⁴ Aintik aukna Iesusa ripacrena laiplacar, an kirar mbuġa ne Karaisna tikca mikca ne manap menaca eacrena, na ne Tip Wandikna kanġaukca mba eacreke. Mandeaca ne kabena ramootna kanġauk ndeacrena, an ramootta ma muk nġetacndiġ mac nda nġepatna, aia Raraġ Aetaniacna toġtoġna kirarir tiġikca aia anna moranġ.

⁵ An minna aia nġaua iro bagara ranġairi, tip nġoreacna makukca Tip Wandikmo ndona toġtoġ nġoreac tikca laruca aina tikna wanġora muruġa an kirarir nġorikca ranġairi, aia tipemb nġorikca morina. Ri, an kirar mbuġa memencna kirara moa laruatna.

7:2 1 Ko 7.39 **7:3** Mt 5.32 **7:4** Ro 6.2, na 6.11, na 8.2, na Gal 2.19, na 5.22, na Kol 2.14 **7:5** Ro 6.13, na 6.21, na Gal 5.19, na Ie 1.15

⁶ Aintik mandeaca aia menaca maica aia an reik mac nda utiŋna minna wanaiŋ, aia mac nda mandarekrekeri. Ainda moca an Tip Wandikca aimo mac nda utiŋna minna wanaiŋ. Na mandeacna minna aiŋa aia morenanna, aia an Tip Wandikca mina timbigta kapca tirca eacrena kirara mba ranŋaica mba mori. Wanaiŋ. An kirar ŋgamna aiŋ mbuŋa Ŋeronŋ Ratta aina iroara moa ŋgepca aia an mbuŋa morena.

Tip ŋgoreacna makukca aimo mo ŋgocrairina

⁷ Na aia titoc ndopit? Tip Wandikca anna ma tip ŋgoreacna makuk ki? Wanaiŋ ŋgoiŋ. Na Tip Wandikca aukmo otaca tipemb kirarir ŋgorikmo wati rapacna, titocnanna ŋgoreac eac te, aku mba wati garacitndait, na tip ŋgoreacna makukca ma kaina reac. Na Tip Wandikca aindopatna, “U kabena meikramtairta reikmo lamniac mbuŋa kai wati tonŋo teac.” Na Tip Wandikca aindop ŋgocor te, aku mba garacit, na an kabena meikramtairta reikmo lamnik punŋa watca tonŋorenanna, anna tip kirar ŋgoreac.

⁸ Ri, tip ŋgoreacna makukca Tip Wandikna kam mbaraca taupembta koreca aukna iro inikmo ainta lamniac mbuŋa watca tonŋorena kirar tikca mbukatna. Na Tip Wandikca eac ŋgocor te, tip ŋgoreacna makukca anna gargara kocor ndeacnandet.

⁹ Na an min aku Tip Wandikca lamni ŋgocor ndeacri, aku eteacna watap eacrina. Na inmbaia aku Tip Wandik ndamŋiatke, tip ŋgoreacna

7:6 Ro 2.29, na 6.4, na 8.2, na 2 Ko 3.6 **7:7** NA 20.17, na TW 5.21, na Up 20.33 **7:8** Ro 4.15, na 5.20, na 1 Ko 15.56 **7:9** Ie 1.15

makukca ngepca gargar maanġirat, na aukmo mo menacatna.

¹⁰ Na Tip Wandikna aiġa ma meikramtairmo eteacna wat neanġande. Na aku Tip Wandik mbuġa eteacna watta mba anġiratke. Wanaiġ. Na Tip Wandikca aukmo moa menacatna.

¹¹ Aintik tip ngoreacna makukca Tip Wandikna kirar ndamġica ma taupembta koreca ma aukmo paruatna, an taup mbuġa tip ngoreacna makukca aukmo moa menacatna.

¹² Na karica aia an Tip Wandikmo aia titocna kam ndopit? Na an Tip Wandikca anna Raraġ Aetaniacnan. Na an Tip Wandikca anna Raraġ Aetaniac ndambuġ ndiġ nakipatna. Na an kambca an Tip Wandikna inik ndeacrenanna, an toca anna Raraġ Aetaniacna reac, na anna wandonġ gidik ngoin.

¹³ Na kaica? An reac laġ, ma aukmo moa menacat ki? Wanaiġ. Tip ngoreacna makukca ndo aukmo moa menacatna. Na tip ngoreacna makukca an Tip Wandik laġa mbukca, anna moa kurica aukmo moa menacatna. Na Raraġ Aetaniaca ndo tip ngoreacna makukmo watacarica ma an kirara moatna. Ma tip ngoreacna makukca moi waekeca meikramtairmo anna wat rapacna moca, na tip ngoreacna makukca laġa wanaiġ, ma kokot ngaduduk ngoreac. An kirar mbuġa Tip Wandikca an tip ngoreacna makukna kirarmo moi waekeca, anġiri laru, raekca tikna moca. Mana kirarira ngaduduk

7:10 TN 18.5, na Esi 20.11-13, na 20.21, na Ro 10.5, na 2 Ko 3.7

7:11 RL 3.13, na Ib 3.13 **7:12** Nġap 19.8, na 119.138, na 1 Ti 1.8

7:13 Ro 5.20

kokot ngoreac ngoin.

Tip ngoreacna makukca aina eteacna watna nginaña morena

¹⁴ Na aia lamñirena, Tip Wandikna kirara Rarañ Aetaniac ndambuñ ndiñ nakipatna. Na aku ndo an iro bagarap eacrena. Na aku Rarañ Aetaniacna tonñtonña mba rangaiitndai. Tip ngoreacna makukca aukmo leaca meraca aku mana aiñ kamainda momona aiña nuoc ndeacnande.

¹⁵ Na aku mba lamñiri, kaina miniña moca aku an kirarirmo aku ainda moca tañre. Aku mo ngoin ndopca lamñiekna kirarira, aku mba moitndai, na aku mo nari ngoin ndopekna kirarira, aku anna memetmbac ngoinna morañnande.

¹⁶ Na aku ndomo karirina kirarira mo nari ndop te, na aku mo te, aku aind ndamñinandet, Tip Wandikca anna reac lañ.

¹⁷ Aintik aku ndo mbuña an tip ngoreacna makukca mba morenanna. Wanaiñ. Tip ngoreacna makukca ndo aukna iro inik ndeacreke an kirarira moa larurena.

¹⁸ Na aku lamñirena, reac lañ ianna aukna iro inikca mba eacreke. Na anna aku ndona nikinik iro bagarna ndoprenan. Na anna gidik, aku tip kirar laña mona moreke, na aku mona minna wanaiñ.

¹⁹ Na tip kirar laña aku ndomo anna mo ndop te, aku anna mba moitndai. Na tip ngoreacna makukca aku ndomo anna mo narica morenanna, anna aku monande.

²⁰ Na an tipna kirara aku mo narica moek-nanna, anna aku mamoreke. Aintik an tipna kirara anna aku ndo mba morenanna, wanainj, tip ngoreacna makukca ndo aukna iro inik ndeacreke, ma ndo morena.

²¹ Aintik aku watta rapacarina, an tip ngoreaca aukna iro inik ndeacreke. Na aku tip kirar laŋa mo ndopca mo te, an tip ngoreaca taup auknanna makatacek.

²² Anna gidik, aukna iro inikca aku Raraŋ Aetaniacna Tip Wandikna tonŋonj aniac ngoin.

²³ Na aku watreke, kabena tipemb kirarira aukna tik waŋgorta inkar ndeacrenanna. Na an tipna kirara ma tip wandikap ruŋrena, ma aukna iro inik ndeacrena. Na an tipna kirara anna tip ngoreacna makuk, na ma aukmo leaca tikca ma aukna tikmo muruŋa aŋgira bubuocrena.

²⁴ Na aukmbai, an makukara aukna iro inikca kocnaia moa ngocraica! Mandaia ndo aukmo otaca aku an memenacna tik tikcarina?

²⁵ Na aku Raraŋ Aetaniacmo kam laŋ neaŋrina! Aina Kacoot Iesus Karaisna par mbuŋa, ma aukmo otacnandet. Ainda moca aku ndona iro inik mbuŋa muruŋa Raraŋ Aetaniacna tip wandikna kaŋgaukca eacrinan, na nikinik iro bagara aku tip ngoreacna makukna tip wandikna kaŋgaukna kirara eacrenan.

8

7:22 Njap 1.2, na 2 Ko 4.16, na Epe 3.16 **7:23** Ro 6.13, na 6.19, na Gal 5.17, na Ie 4.1, na 1 Pi 2.11 **7:25** Ro 6.13, na 6.19, na 1 Ko 15.57, na Gal 5.17

Karaisa aina tipemb ḡgorikta makukara moa kecarica aimo Neronḡ Rat neanḡatna

¹ Ainda moca aia meikramtaira, aia ndorimo Karaisa miḡ te, Tip Wandikca aina ritri waparaca mona minna wanaiḡ.

² Aintik nena kabe, kabea mandeaca ne Karaisan mamori, na Neronḡ Ratna tip wandikna kirara aimo eteacna wat neanḡrena, ma nenmo tipemb ḡgorikta makukarapa, memenacmo mo kecaririnan, na an tipemb ḡgorikta makukarta tip wandikca ma nena ḡginaḡa mba mac moitndai.

³ Na Tip Wandikca aina tipemb ḡgorikta makukarmo mba mo kecariiḡndai, anna aind, aina iroar bagrara Tip Wandikca ranḡaina gagarar kocor. Na an reaca Tip Wandikca mona minna wanaiḡ, anna Raraḡ Aetaniaca ndo morinan. Na Raraḡ Aetaniac, ma ndona Nuocnan mandaca kipca, ma ramootna kirar toc ndaruca, ma aina tipemb ḡgorikta makukara morina meikramtairta kirarir toc ndaruca, ma aina tipemb ḡgorikta makukara mo kecarina moca, mana tik mbuḡa Raraḡ Aetaniaca tip ḡgoreacna makukna ritri waparaca moca, na tip ḡgoreacna makukna gargara moa irikatna.

⁴ Ri, Raraḡ Aetaniaca an kirara mori tik, mana an Tip Wandikna kirar wandonḡ laḡ mananmo aina wat mbuḡ ndaruna. Aintik mandeaca aia iro bagarna tipna kirarira mba ranḡaireke.

8:1 Ro 8.34, na 8.39 **8:2** In 8.36, na Ro 7.23-25, na 2 Ko 3.6, na Gal 2.19 **8:3** Up 13.38-39, na 15.10, na Ro 3.20, na 2 Ko 5.21, na Pil 2.7, na Ib 4.15, na 7.18-19 **8:4** Gal 5.16, na 5.25

Wanaiŋ. Aia Ɗeroŋ Ratna tipna kirar niŋgik mbuŋa ranŋairena.

⁵ Na meikramtaira iro bagarna kirara ranŋairenan, mina iro inik minanna iro bagarna kirar niŋgikca tonŋoraŋnandet. Te, meikramtaira Ɗeroŋ Ratna tip kirar mbuŋa ranŋairenanna, mina iro inikca Ɗeroŋ Ratna iro niŋgikca ranŋairanŋande.

⁶ Na ramootna iro inikca ma iro bagarna tonŋon niŋgikca ranŋai te, an ramoot, ma menacnande. Na ramootna iro inikca ma Ɗeroŋ Ratna tonŋon niŋgikca ranŋai te, an ramoot, ma eteacna wat anŋica ma nikinik iro wetwet lan ndeacnande.

⁷ Na ramootna iro inik mananna, ma iro bagarna tonŋona ranŋai te, an ramoot, ma Raraŋ Aetaniacmo ndona puŋdamootta monande. Anna ma Raraŋ Aetaniacna Tip Wandikna kaŋgaukca mba eacitndai. Na ma mba Raraŋ Aetaniacna Tip Wandik gidikca mba mac ranŋaiitndai.

⁸ Na meikramtaira iro bagarna tip kirara ranŋairenan, an meikramtair, mina gidikca mba Raraŋ Aetaniacna tonŋona kirarira mba ranŋaiitndai.

⁹ Na ne mba iro bagarna kirarira mba ranŋaireke. Wanaiŋ. Na Raraŋ Aetaniacna Ɗeroŋ Ratta nenap gidikca eac te, mandeaca ne Ɗeroŋ Ratna tipna kirar mbuŋa ranŋai. Na

8:5 In 3.6, na 1 Ko 2.14, na Gal 5.22, na 5.25 **8:6** Ro 6.21, na 8.13, na Gal 6.8 **8:7** Mt 12.34, na In 8.43, na 12.39, na 1 Ko 2.14, na Ie 4.4 **8:9** 1 Ko 3.16, na 12.3, na Gal 4.6, na Pil 1.19, na 1 Pi 1.11

ramootta Karaisna Neronja manap eac ngocor te, ma Karaisnanna wanaij.

¹⁰ Na tip ngoreacna makukka nena tikembca moa menaca mamairi. Na Karaisa nena inik ndeac te, ne meikramtair wandoik lainj malaruri. Na nena nerngaura eteacna watap eacnande.

¹¹ Na Raraj Aetaniaca Iesus Karaismo mukca tikca mac nda moa ngepatna. Na anna gidik, Raraj Aetaniacna Neronj Ratta nena iroar inkara mbukka eac te, anna Neronj Ratta moatna aiñ mbuñja Raraj Aetaniaca nena tikembca menaca eacrenan motocmo, ma eteacna wat neañnande.

Neronj Ratta aimo moa anjira Raraj Aetaniacna mombonik taruatna

¹² Aintik aia Iesusa ripacrena laiplacar, aia taup kabe ian niñgikca ranjaica anna aiña moca taña iro ianap, na aku mba an iro bagarna kirarna kamma mba mbopca aimo anna ranjaina, mba mbopri, wanaij ngoin.

¹³ Na ne ngaua iro bagarna kirarira tañ te, ne menacnande. Na ne Neronj Ratna gargar mbuñja, ne tipemb ngorikta gargara mo menac te, ne eteacna wat anjñande.

¹⁴ Na meikramtair muruñja ndorimo watcarica Neronj Ratta mina tataña tiñara mo te, an meikramtaira mina Raraj Aetaniacna mombonik ndeacrena.

¹⁵ Na an Neronj Ratta Raraj Aetaniaca nemo neañgatnanna, ma nemo aiñ kamainda mona

8:10 Gal 2.20, na Epe 3.17, na 1 Pi 4.6 **8:11** Up 2.24, na 1 Ko 3.16, na 6.14, na 2 Ko 4.14, na Epe 2.5 **8:13** Gal 6.8, na Epe 4.22, na Kol 3.5 **8:14** Gal 5.18 **8:15** 1 Ko 2.12, na 4.6, na 2 Ti 1.7, na Ib 2.15 **8:15** Gal 4.5-7

meikramtaira mba mac moitndai, na ne an narica anna rugut moca mona. Wanainj ngoin. Na Raraŋ Aetaniacna Neronj Ratta ma nenmo moi ne Raraŋ Aetaniacna aŋtaŋgina mombonik ndarurina. Na Neronj Ratna gargar mbuŋa aia Raraŋ Aetaniacmo gaidn ngacrenan, “*Abba, Ate.*”

¹⁶ Na Neronj Ratta ndo aina nerngaurmo rip-tiri, aia kam piarra waekeca gaidoprenan, aia Raraŋ Aetaniacna mombonikca eacrena.

¹⁷ Ainda moca aia Raraŋ Aetaniacna mombonik ndaruca, anna iŋmbaia Raraŋ Aetaniac Aetta aimo neaŋ ndopca babua larapacatna reik laiŋga ma aimo neaŋnande. An reikca aina kaka Karais, ma aŋgiratna. Na mandeaca aia man aŋgirina giŋgirna kirar naaŋgi te, iŋmbaia aia anna i aniac aŋgica manap mbibirac laŋ ndeacnande.

Inmbaia aia tamuŋna auŋmo mbibirac laŋ ngoin aŋginande

¹⁸ Inmbaia an mbibirac laŋapa i aniac, aimo larui raekca tiknande, na aukna landamŋia aku gaidn ndamŋirena, an gargar aniacapa memetaca aia aŋginandet, na ma mandeacna giŋgirmo kunda tamuŋ ngoin ndeacrena.

¹⁹ Aintik Raraŋ Aetaniaca moatna reac reaca, mina malambireke, ma nganngirina ra man-anna an reikca aimo mana mombonikmo larui raekca tiknande. Anna gaidn, an reac, reaca muruŋa mina paŋaind aŋgiri ngepca tamtam

8:16 2 Ko 1.22, na Epe 4.30 **8:17** Up 26.18, na Gal 4.5-7, na Pil 1.29, na 2 Ti 2.11-12, na KIEK 21.7 **8:18** Ro 5.2, na 2 Ko 4.17

8:19 Kol 3.4, na 2 Pi 3.13, na 1 Io 3.2

mbatca aindopnande, “Tumbuit ngoinna an ra laruit?”

²⁰ Mandeaca an reikca muruḡa mangocraireke, na mina ngocrainandet. Na an reikca mina ndorita tonḡon mbuḡa ainda mba laruri. Wanaiḡ. Raraḡ Aetaniaca ndo minmo ainda moca mina aind ndeacrina, te, reac laḡ ianna Raraḡ Aetaniaca minmo mo ndopca mina anna ndabirena.

²¹ An ra, Raraḡ Aetaniaca ḡganḡgirinan mbuḡa, Raraḡ Aetaniaca an ngocrairena reikca mandeaca kac ḡgoreaca eacrenanmo, ma mo topnandet, te, an reik laiḡ, laiḡ muruḡ ngoinna aiap Raraḡ Aetaniacna mombonikap eacnandet.

²² Na aia lamḡirena, an reikca Raraḡ Aetaniaca muruḡa moatnan, mitoco girḡira aḡḡirena, anna meaca moonḡuoca miḡna naaḡḡirena girḡirna kirar. Na mina muruḡa an girḡirna aea kip kipca, kipca mandeacna min.

²³ Na an reikca min tiḡgikca mba aereke. Wanaiḡ. Ai toco aereḡa. Ri, reac lacaua Raraḡ Aetaniaca aimo opotaca moca ḡeroḡ Ratmo aimo wanaiḡa neaḡgatna. Na ai toco girḡir aḡḡica aereke, Raraḡ Aetaniacna ḡganḡgirina oit ianna rana ndabirena, Raraḡ Aetaniaca an ra mbuḡa ma aimo waekeca gainḡopnande, aia mana aḡtaḡḡina mombonik malaruri, na an min mbuḡa Raraḡ Aetaniaca aimo moi ḡgetrikica aia iro ḡam ndarunande.

²⁴ Raraḡ Aetaniaca aimo mac nda aḡḡiri, mandeaca aia riḡacrina, na ne lambica taḡreḡa, na

Raraŋ Aetaniac, ma aimo neaŋ ndopca morina reik lainga, ma monandet. Na aia gaindop te, aia reac ianna ndabirena, anmo aia gaind ndamŋinandet, aia mba aŋgireke. Na ramootta an reac aŋgi te, ma kaina moca wanaiŋ ndabit?

²⁵ Na aia lamŋirena, aia an reikmo aia gidik ŋgoin naaŋŋinande, na aia mba aŋgireke, aintik aia ndorita iroar inkara moi paŋpainica aia malambireke.

²⁶ Na Ŋeroŋ Ratta aimo gagrar kocorta meikramtairmo otacrena. Na aia kaina reacna mbembendeia aia lamŋi ŋgocor. Aia ndorita iroar inkar punga aereke, aia mbop laruna minna wanaiŋ. An kirara moreke, Ŋeroŋ Ratta aina taup ndamootta witikca aimo otacna moca ndo mbuŋa mbendeirena.

²⁷ Na Raraŋ Aetaniac ma ramootna iro inik ŋgoin mbatrena, na Ŋeroŋ Ratna iro inikna iroa Raraŋ Aetaniac ma lamŋirena, na Ŋeroŋ Ratta ma Raraŋ Aetaniacna iroa raŋgaica ma aimo Raraŋ Aetaniacna meikramtairta taup ndamootta witikca otacna moca, anna mben-deirena.

²⁸ Na aia lamŋirina, Raraŋ Aetaniac, ma reac reacmo, moca mina muruŋa ndorimo tumbunna tikca mina aiŋir lainga morenan, te, an reikca Raraŋ Aetaniacmo matŋirena meikramtairmo otacrena. Na an meikramtair, Raraŋ Aetaniaca mbopatna, ma minmo mac nda aŋŋinande, ainda moca ma mina ŋgacrena.

8:26 Sek 12.10, na Epe 6.18, na Ie 4.3 **8:27** Ŋap 7.9, na 139.1, na Up 1.24, na 1 Ko 4.5, na 1 Te 2.4, na 1 Io 5.14 **8:28** Ro 9.11, na 9.23-24, na Epe 1.11, na 2 Ti 1.9

²⁹ Aintik atuna meikramtaïrmo, Raraŋ Aetaniaca lamŋiatna ma minmo larapacatna, mina mana Nuocna kirar ndaruna moca. Na mana mombonik wit aniac ndeac te, Karaisa mina ramoot lacau ndarunande.

³⁰ Na an meikramtaïra ŋgaua ma minmo larapacatnanna, ma min motoca acnande. Na an meikramtaïr, ma minmo acrinanna, ma minmo meikramtaïr wandoik ŋgacnande. Na an meikramtaïr, ma minmo meikramtaïr wandoik ŋgacatnanna, ma minmo eteacna wat laŋapa ndona i aniacap neaŋnande.

Reac ianna Raraŋ Aetaniacna tonŋon katacna minna wanaiŋ

³¹ Aında moca aia Raraŋ Aetaniaca moatna an reikmo aia kaina kam ndopit? Na Raraŋ Aetaniaca aimo otac te, mandaia ndo aimo ndona puŋndamootta moit?

³² Na Raraŋ Aetaniac ma ndona Nuocmo mba kiracatke. Wanaiŋ. Ma manmo aimo muruŋcamiŋa ŋgotacna moca anna mandaca kipatna. Na ma ndona Nuoc ŋgoinmo aia neaŋ te, ma aimo ndona reik ndeid motoco ma aimo wanaiŋa neaŋnande.

³³ Na Raraŋ Aetaniaca aimo larapacatna aia manan ŋgoin. Aında moca mandaia ndo aimo ritri waparaca moit? Wanaiŋ. Raraŋ Aetaniac ma aimo ndona meikramtaïr wandoik ŋgacnande.

8:29 In 17.22, na 2 Ko 3.18, na Epe 1.5, na 1.11, na Kol 1.5, na 1.11, na 1.18, na 2 Ti 2.19, na Ib 1.6 **8:30** Ro 9.24, na 1 Ko 6.11, na Epe 4.4, na 1 Pi 2.9 **8:31** Ndu 14.9, na Ŋap 118.6 **8:32** In 3.16 **8:33** Ais 50.8

³⁴ Mandaia ndo aimo an tip ngoreacna makukna opoik anjina moca anna wakiki mbo-pit? Wanaij. Meikramtair kocor. Iesus Karaisa ma menaca mac nda ngepatna. Na ma Raraņ Aetaniacmo aina taup ndamootta witikca aimo otacna moca digirena. Mandeaca ma Raraņ Aetaniacna par umbai maeacreke.

³⁵ Na Karais, ma aimo mamatņi bagaraniac ngoin, na reac ianna mana mamatņi katacna minna wanaij. Na makukca aimo laruna mo te, co, aia girgir anji te, co, ramootta aimo tip ngoreaca mo te, co, aia nik watai te, co, aia tik ngapaoc ngocor, co, reac ngoreaca aimo mo ngocrainan, co, runduņ ianna aimo laruna morenan, na an reikca ndorimo Karaisna mamatņi katac ndopca larure ki? Wanaij ngoin.

³⁶ Na anna gidik, ainta reik mina aimo larurena, an Raraņ Aetaniacna timbigta kapca mboprina kamna kirar,

“Aia una meikramtaira mori,
 ainda moca memetmbaca mina aimo riņga
 menacrena.
 Mina aimo watreke, aia sipsipna kirar toc,
 na mina aimo mo menacna toņgorena.”

³⁷ Te, Karais ma ndona mamatņi aniaca aia tikca eacrena, mindacniņ, titocna reacna makuk ianna ai ndaru te, aia memetmbaca an reacna mo irikna min.

8:34 Njap 110.1, na Up 7.55-56, na Kol 3.1, na Ib 7.25, na 9.24, na 1 Io 2.1 **8:35** Ro 8.38-39 **8:36** Njap 44.22, na 1 Ko 15.30-31, na 2 Ko 4.11 **8:37** In 16.33, na 1 Ko 15.57, na 2 Ko 2.14, na 1 Io 4.4, na KIEK 12.11

³⁸ Na anna gidik ngoin, Raraŋ Aetaniaca aimo mamatji bagaraniac ngoin, ri, aku gaimd ngoinna ripacrina, reac ianna an Raraŋ Aetaniaca ai ngotacna morina mamatji manan katacna minna wanaij. Titocna reaca memenc, co, eteacna watap, co, mbaiŋna aiŋa morena ŋerŋgaur, co, ainta gagarta ŋerŋgaur, co, mandeac ndeacrena reik, co, iŋmbai ndeacrena reik, co, an gagarta reik muruŋ,

³⁹ co, riac tamuŋ ndeacrena reik, co, gan wikin ndeacrena reik, co, an tamtam ndeacrena reik ndeidap, an reikca muruŋa, mina Raraŋ Aetaniacna mamatjimo, an katacna minna wanaij. An mamatji manan, ma aimo aŋgira Karais Iesusna para neaŋgatna, na ma aina Kacoot.

Pola Raraŋ Aetaniaca Israelnanda moatna kirarirta kamma an ndopatna

9

(9—11)

Polna iro inikca ma Israelnaŋgepta kadmaiatna

¹ Aku Karaisna ramoot, ainda moca Ŋeron Ratta aukna iro inikca moa waekeca aku kam gidik ndoprena, aku mba parureke. Aukna iro inikca aku gaimd ndamŋirina, gan kamma aku mbopapeknanna, anna kam gidik.

² Ri, memetmbaca aku kadmaireke, aukna iro inikca tamtam pac lamŋirena.

³ Na aku tonjorinanna, Raraŋ Aetaniaca

aukna laiplacarapa wiwitnanapa racaindpaikmo mac nda anġi, anna mina Israelnangeptan. Aintik Karais, ma ndo aukna tonġtonġa ranġai te, aku manmo mbendeica diginande, ma aukmo Karais ndambuġa taġna taup kataca, aukna laiplacara aukna taup anġinande.

⁴ Na mina Israelnan, Raraġ Aetaniaca minmo ndona mombonik koind ndopca anġiratna. Na mitoco, Raraġ Aetaniacna gargarapa memetacna tac aniac mananna watatna. Ri, Raraġ Aetaniaca minap kam leaca, an Tip Wandik neanġatna. Ri, ma minmo Raraġ Aetaniacna Kacna aiġa mona tip kirar wandacri, na ma minmo bababuar mamoa.

⁵ Nena atuna nġamrira mina iremb anikta ramtair. Na mina racaindpaikna wiwit mbuġa, Karaisa ma ramoot ndaruatna. Na an ramoot Karais, ma Raraġ Aetaniac, ma reikta paġan, na iarwara aia mana imo anġiri nġepraġ. Na anna gidik.

Pola Raraġ Aetaniaca Israelnanda moatna kirarirta kamma an ndopatna

⁶ Na aku ndona laiplacarta morena kirarirta moca, aku memetmbaca anna kadmairena, aku gaimda mba lamġica mbopatke, Raraġ Aetaniacna moatna kambca mina wanaiġ ndarurina. Wanaiġ. Aku lamġirina, Israelna inikna meikramtair, mina ndeida mina Israelnan koinda wanaiġ.

9:4 NA 4.22, na 9.4, na TW 7.6, na 14.1-2, na Up 3.25, na 13.22, na Epe 2.12, na Ib 8.8-10, na 9.1 **9:5** Mt 1.1-16, na In 1.1, na Ro 1.25 **9:6** Ndu 23.19, na In 8.39, na Ro 2.28, na 3.3, na Gal 6.16

⁷ Na aia gaimda kai mbop teac, mina Abraamna racaindpaik ndiŋ ndaruatna, ainda moca mina muruŋa mana mombonik. Wanaiŋ. Atua Raraŋ Aetaniaca gaidopatna, “Aisak niŋgik mbuŋa una mombonik ŋgamrira larunande.”

⁸ An kamna miniŋa gaimd, mombonikca Abraamna racaindpaik mbuŋ ndarurinanna, mina Raraŋ Aetaniacna mombonikca. Wanaiŋ. Na mombonikca Raraŋ Aetaniacna babuatna kamna kirara ripacrenan, mina ndori Abraamna mombonikta wiwitna iap eacnande.

⁹ An bababua aindoprina, “An ra, aku ŋganŋgirinan laru te, aku mac nda kipnande, na an minna Sara ma nuocna moonjuocap eacnande.”

¹⁰ Na Raraŋ Aetaniacna kabena kam ian toco ne lamŋi, Rebekana nik kabena nuocniŋa maniŋa aet kabeap. Na anna Aisak, ma aina ŋgamair.

¹¹ Na Raraŋ Aetaniaca ma ndona memetmbaca morena kirara ranŋaica, ma ndona toŋtoŋna ramootta watca manmo larapacnande. Na ma mana aiŋ laŋ nake mba lamŋirenanna. Wanaiŋ. Ma ndona toŋtoŋ mbuŋa ramootta watca manmo larapacnande. Aintik Rebeka ma nik kabena nuocniŋa mir ŋgocor ndeacri, maniŋa tip laŋ, co, tip ŋgoreaca momoa maniŋa lamŋi ŋgocor.

¹² Na Raraŋ Aetaniaca Rebekamo gaidopatna, “Una nik kabena nuocniŋa out ndaruekna nik

kabena nuoc, ma una iŋmbai ndaruekna nik kabena nuocna mbaiŋa monandet.”

¹³ Anna Raraŋ Aetaniacna timbigta kap mbo-prina kamna kirara gaindopatna, “Aku Iakopmo matjirena, aku Isomo tongo ŋgocor.”

¹⁴ Aintik aia kaina kam ndopit? Aia gaindopit ki, Raraŋ Aetaniacna moapekna kirara wandaŋa wanaiŋ, ki? Wanaiŋ ŋgoin.

¹⁵ Na Raraŋ Aetaniaca Mosesmo gaindopatna, “Anna aukna reac, aku ndo ramootna kadmaica manmo opotaca mo ndop te, aku mana kadmaica manmo opotaca monande. Na aku ramoot ianna kadmai larmeme ndop te, aku mana kadmai larmemenande.”

¹⁶ Aintik ramootmo Raraŋ Aetaniaca lara-pacrinanna, mana tonŋon, co, mana aiŋ laŋ mbuŋa mba moca Raraŋ Aetaniaca manmo anna larapacrena. Wanaiŋ. Anna Raraŋ Aetaniacna kakadmaina opotac manan niŋgik.

¹⁷ Na Raraŋ Aetaniacna timbigta kapca gaindopatna, Raraŋ Aetaniaca Isipna gagrirta ramoot paŋanmo gaindopatna, “Aku unmo aŋgiri gagrirta ramoot paŋan naaŋgirca witikrina, na aku ndona gargar aniaca un mbuŋa tiki laru te, meikramtaira gan tiacarpaikmo aukna i aniaca aŋgiri ŋgepnande.”

¹⁸ Aintik aia matau lamŋi, Raraŋ Aetaniaca ramoot ianmo mana kadmaica manmo otac ndop te, ma mana kadmaica manmo otacnande.

9:13 TW 21.15, na Mal 1.2-3, na Lk 14.26 **9:14** 2 Nin 19.7, na Iop 8.3, na 34.10, na Ŋap 92.15 **9:15** NA 33.19 **9:16** Epe 2.8
9:17 NA 9.16, na Gal 3.8, na 3.22 **9:18** NA 4.21, na 9.12, na 14.4

Na ma ramoot ianna iro laŋmo, mo mborac ndop te, ma ndona toŋtoŋ mbuŋa ainda monandet.

¹⁹ Na nena ianna aukmo gaindopnande, “Raraŋ Aetaniaca ainda mo te, kaina moca Raraŋ Aetaniaca aimo aindopatna, ‘Aia tipemb ŋgorikca morena?’ Na mandaia ndona toŋtoŋa ranŋaiit, na Raraŋ Aetaniacna toŋtoŋmo ma mba ranŋaiitndai?”

²⁰ U ramoot, co, u mandai, u Raraŋ Aetaniacna morina kirarirta moca manmo nda mbopit ki? Co, tiacarpaikna winna ma ndo aŋgira moatna ramootmo gaindopnande, “Kaina moca u aukmo ainda moapekna?”

²¹ Na winna morena ramoot, ma tiacarpaikna waŋ emtem aŋgica ma ndona toŋtoŋ mbuŋa ma win mbuniŋa monandet, ianna aiŋ laŋa momona win laŋa mori, na ianna ma reac, reacna aiŋ wanaiŋa mona win mamoot. Na ma ainda mo te, anna mana toŋtoŋ niŋgik.

²² Raraŋ Aetaniac ma toco ma ainda morena, ma ndona nikkakatmo raekca wandacrena, meikramtairmo ndona gargar aniac nanna wat rapacna moca. Na an winne bagrara mina opoik ŋgoreac aŋgica kocnai topna kocroca mamairi, mina an ŋgogocraia aŋginande. Na ma minmo wattacarica kidrik rocot neaŋga malambireke, minmo ma mo wiripnande.

²³ Aintik ma toŋgorinanna, meikramtaira muruŋcamiŋa mana an memetacna tac aniacapa, gargar mananna wat rapacna, an mbibirac laŋ

9:19 2 Nin 20.6, na Iop 23.13, na Dan 4.35 **9:20** Ais 29.16, na 45.9, na 64.8 **9:21** Ier 18.6, na 2 Ti 2.20 **9:23** Ro 8.28-30, na Epe 1.3-12, na Kol 1.27

ngoinmo ma an winnemo neanga mina an kakadmaina opotac anginande. Na an winnemo, ma atuna anjira ngobaca mairinanmo, ma an mbibirac lanapa i aniac neanande.

²⁴ Na an winne mina an kakadmaina opotac lan anginande, anna minija Raranj Aetaniaca aimo meikramtair wandoik kacrina. Na aia Iudanan tingikca mba kipri. Wanaij. Na aina ndeid toco, Iudana meikramtaira wanaij.

²⁵ Na an ramma morina ramoot Oseana timbigta kapna inik ndeacrena kamma, anna Raranj Aetaniaca gaindopatna, "Atuna meikramtaira aukna wiwit ndeac ngocor, te, aku minmo ndona meikramtair ngacnandet. Na an wiwitta aku minmo atua matji ngocor, injmbaia aku minmo matjinande.

²⁶ Na an kam tip toco Oseana timbigta kapna kamma ma minmo gaindopatna, 'Ne an meikramtaira aukna wiwit ndeac ngocor,' an kam mbuja aku gaindopnandet, 'Ne aukna mombonik, an memetmbac ndeacrena Raranj Aetaniacnan.' "

²⁷ Ri, Aisaia ma Israelnangepta ndamjica ma gaindopatna, "Mindacni j Israelnanda wit aniac ngoin ndaruca manarna timgunna kirar ndaru te, Kacootta ma mbatepni j ningikmo mac nda anginande.

²⁸ Na Kacootta ma gan tiarpaikna meikramtairmo ritri waparacna taup matikri, na ma minmo tawi ngoinna mo ngocrai mainandet."

²⁹ An reikca atua Aisaia mbopatna kamna kirar toc ndarunande. Na ma gaindopatna, “Kacootta Gargar Aniacap, na ma aina ianmo mba watcar-itndai, aia muruŋ ngoinna ngocrai mainandet, gan auŋniŋ Sodomapa Gomora ngocrairina kirara, aia ainda ngocrainande.”

Israelnanda matau ripac ngocor ndacari, mina meikramtair wandoikca mba laruatke

³⁰ Ainda moca aia kaina kam ndopit? Na aia gaindopit ki? Iudana meikramtair wanaiŋ ndeida, mina wandoik ndaruna aiŋ aniaca mba moca laruri, mina wandoik ndarua mamairi. Na mina ripacri, Raraŋ Aetaniaca minmo meikramtair wandoik ngacatna.

³¹ Na Israelnanda, mina Tip Wandikca rangaina aiŋ aniaca moreke, mina meikramtair wandoik ndarurena. Na an Tip Wandikna aiŋ, ma meikramtairmo moi aŋgiri meikramtair wandoik ndaruna morena, na Israelnanda mina meikramtair wandoikca mba larureke.

³² Aintik mina ritipacna kirara mba rangairenanna. Wanaiŋ. Mina gaind ndamjirena mina ndorita aiŋir gagrar punŋa, mina meikramtair wandoik tarunande. Na oura aoclatacna wautta mina oura aocreke, mina irikca kerena.

³³ Na Raraŋ Aetaniacna timbigta kapca anna moca gaindopatna, “Ne warac. Aku waut ianna larapacrinan, ma meikramtairta oura aoclataca

9:29 Ais 1.9, na 13.19, na Ier 50.40 **9:30** Ro 1.17, na 4.11, na 10.20 **9:31** Ro 10.2-3, na 11.7, na Gal 5.4 **9:32** Ais 8.14, na Lk 2.34, na 1 Ko 1.23 **9:33** Ŋap 118.22, na Ais 8.14, na 28.16, na Mt 21.42, na Ro 10.11, na 1 Pi 2.6-8

mina pergogocoa iriknande. Na manmo aku anġiri Saion takura tiknande. Na meikramtaira mina ripacrinan, mina mba numbira mba moitndai.”

10

Israelnanda Raraġ Aetaniacna tipna kirara lamġi ngocor

¹ Ne Iesusa ripacrena laiplacar, aukna iro inicka aku toġgorinanna, Raraġ Aetaniaca Israelnandmo mac nda anġi, memetmbaca aku Raraġ Aetaniacmo an reacna moca memetmbac ngoinna mbendeirena.

² Aku minmo matau ngoin ndamġirena, ainda moca aku mina moca gajnda waeke mbopnande, mina Raraġ Aetaniacna toġtoġna kirara raġaina moca aiġ wakikia morena. Na mina Raraġ Aetaniacna toġtoġna kirar ngoinna mina matau lamġi ngocor tik, mina ainda morena.

³ Mina mba lamġireke, Raraġ Aetaniacna morena tipna kirara ma raġaica aimo meikramtair wandoik ngacna, mina ndorimo ndorita gargar mbuġa anna aiġa moca ndorimo wandoġ ndaruna ndoprena. Ainda moca mina ndorimo watcarica Raraġ Aetaniacna kaġgaukca mba eacrena, na ma minmo moi anġiri, mina meikramtair wandoik ndaru mbe.

⁴ Na aia lamġirena, Karais ma Tip Wandikna gargarmo, moa mairikrinan, na meikramtaira muruġcamiġa mana ripac te, mina Raraġ

10:2 Up 21.20, na 22.3, na Gal 1.14, na 4.17 **10:3** Ro 1.17, na 9.30-32, na Pil 3.9 **10:4** Mt 5.17, na In 3.18, na Gal 3.24

Aetaniacna lamniacmo meikramtair wandoik tarunande.

⁵ Na Mosesa gan kammo tiratna, te, meikramtaira Tip Wandikna kirara rangairenan, na mina anmo mo te, Raran Aetaniaca mimo meikramtair wandoik ngacnande. Na ma aindopatna, “Ramootta Tipemb Wandikmo muruŋcamiŋa rangai te, ma eteacna wat anŋinande.”

⁶ Na ramootta ritipacna kirara ranŋaica Raran Aetaniaca manmo ramoot wandoŋ ngac te, ma an kamma ranŋaiapekna, “Na ŋarikca ne ndo-rimo gaindop nari, ‘Mandaia ndo tamuŋna auŋ nagacit?’ ” Anna ne Karaismo mac nda anŋira wikiŋna irikrina.

⁷ “Na ŋarikca ne gaindop nari, ‘Mandaia ndo an memenacna meikramtair tikrena taup ŋgirikit?’ ” Anna gaind, ne Karaismo muk iniknan mac nda anŋira mac nda ngacatnan.

⁸ Na an kamna miniŋ ngoinna gaind, “An kamma nena kitim ngoin maeacreke, na nena iroar inkar koind maeacreke, na nena upa maeacreke.” An kamma anna ritipacna kam, aia nenmo anna waekeca wiwitirena.

⁹ Na u Iesusna kamma u up mbuŋa gainda waeke mbop te, ma Kacoot, na una iro inikca u ripacrina Raran Aetaniaca manmo mukca tikca mac nda moa ngepatnanna ripac te, Raran Aetaniaca unmo mac nda anŋinande.

¹⁰ Na aia ndorita iroar inkar punŋa ripacrenan, Raran Aetaniaca aimo meikramtair

10:5 TN 18.5, na Nei 9.29, na Esi 20.11-13, na Ro 7.10, na Gal 3.12

10:6 TW 30.12-14 **10:9** Mt 10.32, na Lk 12.8, na Up 8.37

wandoik ngacnande. Na up mbuᅇa aia ndorita ripacna kam ndopca waekerenan, na Raraᅇ Aetaniaca aimo mac nda aᅇginandet.

11 Na Raraᅇ Aetaniacna timbigta kapca an reacna kamna kammo gairdopatna, “Meikramtaira mana ripaceknan, mina numbira mba moitndai.”

12 Na Iudanandapa, Iudana meikramtair wanaiᅇmo aᅇgira tumbunna tikca. Na Kacoot, ma aina muruᅇcamiᅇna Kacoot. Na man niᅇgikca ndo meikramtairmo muruᅇcamiᅇna matau ᅇgoinna moreke, mina manmo ndori ᅇgotacna digireke ma minmo otacrena.

13 Ainda moca, “Meikramtaira muruᅇcamiᅇna Kacootmo ndori ᅇgotacna digi te, ma minmo mac nda aᅇginande.”

14 Na mina manmo ripac ᅇgocor te, titoca tik te, mina manmo ndori ᅇgotacna moca anna digiit? Na mina mana kam mbarac ᅇgocor te, titoca tikca mina mammo ripacit? Na ramoot ianna an kamma wiwiti ᅇgocor te, titoca tik te, mina an kamma waracit?

15 Na mina kam wiwitina ramtairmo mbaᅇiri ᅇgocor ndacari te, titoca tikca ramtaira an kam wiwitiit? Na Raraᅇ Aetaniacna timbigta kapca gairdoprina, “Meikramtaira kam wembaᅇ laᅇ aᅇgira kiprena ramootta watreke, mina toᅇgorena.”

10:11 Ais 28.16, na Ier 17.7, na Ro 9.33 **10:12** Up 10.36, na 15.9, na Ro 3.22, na 3.29, na Gal 3.28 **10:13** Iol 2.32, na Up 2.21, na 9.14 **10:15** Ais 52.7, na Nau 1.15

Israelnanda kam wemban laŋa mba ranġaireke

¹⁶ Na Israelna meikramtair witta mina muruġa kam wemban laŋmo mba anġica ranġaireke. Wanaiġ. Na Aisaia ma gaindopatna, “Kacoot, mandaia ndo aia gan wiwitirena kambca waraca ripacit?”

¹⁷ Na aia lamġirena, aia Raraġ Aetaniacna kam mbaracreke, anna ndo aina ritipaikca moa nġeprenan. Na an kamma aia waracatnanna, anna Karaisna kam.

¹⁸ Na aku gainda diginande, nġarikca mina an kam wemban laŋa warac nġocor ki? Wanaiġ. Mina waraca mamaiat. Na aia lamġirena, “Gan tiacarpaikna meikramtaira mina muruġa mina mbopatna upna kambca waraca maiatna. Na mina mbopatna kambca gan tiacarpaikna auġembca muruġa kocnaia tanġa mamairi.”

¹⁹ Na aku kabena digdigi ianap. Na Israel-nanġepca mina an kamna mininġa lamġi nġocor ki? Wanaiġ. Mina lamġirena. Out nġoinna ne Mosesa wiwitiatna an kambca ne an tamġirena, na ma gaindopatna, “Aku an iremb kocorta nġairemb teacrena ainta landamġiar kocorta ramtairta wiwitnan anġi te, na aku ainda mo te, nemo moi nikembkatca ne kaega monande.”

²⁰ Na Aisaia, ma toco an kamna moca ma kam gargar mbuġa gaindopatna, “Meikramtaira mana moca mba orerenanna, mina manmo orea

10:16 Ais 53.1, na In 12.38, na Ib 4.2 **10:17** In 17.20 **10:18** Nġap 19.4, na Mt 24.14, na Mk 16.15, na Kol 1.6, na 1.23 **10:19** TW 32.21, na Ro 11.11, na Ta 3.3 **10:20** Ais 65.1, na Ro 9.30

watrina. Na mana moca digi ore ngocorta meikramtairmo, ma minmo raek ndaruatna.”

²¹ Ainda moca Aisaia Israelnanta ndamņica ma gaindopatna, “Ra, ra aku an kammo nda ipunreke, na kam mbarac narica morena meikramtairta ndamņica, aku ndona parniņ angira ngepca aku minmo ndo ndambun nakipna moca, aca anna ndabirena.”

11

Raraņ Aetaniac ma Israeln inikna wiwitna ndeidmo kadmaica otacatna

¹ Ainda moca aku ginda diginande, Raraņ Aetaniaca ma Israelnandmo ndarekrekereki? Wanaiņ ngoin. Auk toco, aku Israelnanta wiwitna ian. Na aku Abraamna racaindpaikna nicar ngamrirta ian. Na aku Bensamenna barna wiwitna ian.

² An wiwitmo, atua Raraņ Aetaniaca mbopatna, mina mana meikramtair ndarunande, ainda moca ma minmo ndarekrekke ngocor. Na kaica ne Elaiana nininia Raraņ Aetaniacna timbigta kap ndeacrenanmo ne lamņi ngocor? Na Elaia ma Raraņ Aetaniacmo mbendeica Israelnandmo ritri waparaca monan, na manmo aindopatna,

³ “Kacoot, mina una rambca morena ramtairmo moa menacrena. Mina una gimbamba morena taupembca moa

ngocrairena. Na aku ndo kabe maeacreke, na mina auk motoco, mo menacna mamoeek.”

⁴ Ri, Raraŋ Aetaniaca mana kammo titoca nda rutiatna? Ma gaimda nda rutica mbopatna, “Aukna 7,000na meikramtaira maeacreke, an meikramtair, mina miripraraŋ Balmo tutpemb rimbicna mba mbendeirena, na manmo mba raŋgairananna.”

⁵ Na Raraŋ Aetaniacna meikramtair mbat-epniŋna wiwit ian toco, mandeacna minna maeacreke, na ma minmo kadmaica otaca, lara-pacatna, na mina manan.

⁶ Ma mina nakadmaica, minmo babuca lara-pacatna. Na ma mba mina morina aiŋ nake mba lamŋica an nake, mba babuca larapacri. Na mina aiŋa moca Raraŋ Aetaniaca minmo anna moca larapac te, gan reacmo aia gaimd ŋgacrena kakadmaina opotac. Anna kakadmaina opotac gidikca wanaiŋ.

⁷ Aintik aia kaina kam ndopit? An reacmo Is-raelnanda an aŋgina aiŋ aniac ŋgoinna morena, na mina mba aŋgiri. Na mina ndeidmo, Raraŋ Aetaniaca ndo minmo babuca larapaca, mina ndori aŋgiri. Na mina ndeidta iroar inkara mboracrina.

⁸ Anna Raraŋ Aetaniacna timbigta kap mbop-rina kirar, “Raraŋ Aetaniaca minmo moca mina ŋgoa ndarekrekerena kirar, ma minmo moca mina lamnikca mba watitndai, na kour minanna

11:4 1 GRP 19.18 **11:5** Ro 9.27 **11:6** Ro 4.4-5, na Gal 3.18
11:7 Ro 9.31, na 10.3 **11:8** TW 29.4, na Ais 29.10, na Ier 5.21,
na In 12.40, na Up 28.26-27

mba waracitndai, mina aind ndeaci kipi mandeacna min.”

⁹ Ri, Dewit toco an kamma gaindopatna,

“Maica mina amtiam aniacna nakipi puni te,
aku tonggorinanna an reac laru te,
minmo kocnai mo ngocrai,
anna weaŋa ngoaem angirek toc,
co, mina tanja aua pukek toc,
co, wautta ora latacek toc,
anna mina opoik ngoreaca mina an
angirena.

¹⁰ Te, mina lamnikca moi nenepuca,
mina kai wat teac.

Na u mina koipkara moi boboroca,
mina wandoŋa kai witik teac.

Na minmo watcarica mina memetmbaca aind
niŋgik ndeacraŋ.”

*Raraŋ Aetaniaca Iudana meikramtair
wanaiŋmo anŋiratna*

¹¹ Aintik aku gaimda diginande. An minna
Israelnanda ngocrairi, mina kocnaia ngocraica
topat ki? Wanaiŋ ngoin. Mina Raraŋ
Aetaniacmo iŋ neanŋatnan tik, ainda moca
an taup mbuŋa Raraŋ Aetaniaca Iudana
meikramtair wanaiŋmo anŋiatna. Na Raraŋ
Aetaniaca tonggorinanna, Israelnanda an ma
Iudana meikramtair wanaiŋmo, morina tip
laŋ mananna watca, mina tongoca mina
nikembkatnande.

12 Na Israelnanda, mina Raraŋ Aetaniacmo iŋ neaŋgatke, na ma gan Iudana meikramtair wanaiŋmo opotac aniac mamoot. Na Israelnanda mina Raraŋ Aetaniacna kirarira raŋgai ŋgocor ndacariri, na Raraŋ Aetaniaca Iudana meikramtair wanaiŋmo tiŋ laŋ ŋgoinna moatna. Aintik Israelnanda muruŋcamiaŋa Raraŋ Aetaniac ndambuŋ mac nda kiŋ te, aia lamŋirena Raraŋ Aetaniac, ma Iudana meikramtair wanaiŋmo muruŋcamiaŋ ŋgoinmo ma matau laŋ ŋgoinna monande.

13 Ainda moca mandeaca aku nemo Iudana meikramtair wanaiŋmo gaindopnande. Raraŋ Aetaniac ma aukmo Iudana meikramtair wanaiŋnanta inikca tikca mana up aŋgirena ramootna aiŋa mona mandaca, aku taŋgatna, na aku an aiŋa morena, na aku an aiŋa toŋtoŋ ŋgoin.

14 Aintik aku ndona Iudanangepta wiwitna meikramtairta iroar laiŋga moi ŋgepna moca, an Raraŋ Aetaniaca nena morena tiŋpemb kirarir laiŋga mina anmo ndorita lamnik puŋga watca mina toŋgona moca. An tiŋna kirar mbuŋa aku mina ndeid mac nda aŋgina moca.

15 Na an minna Raraŋ Aetaniaca Israelnandmo kariri, ma tiacarpaikna meikramtairmo aŋgira mina manap iro kabe ndarunande. Aintik Raraŋ Aetaniac, ma Israelnandmo mac nda aŋgi te, aia wat garacnandet. An tiŋna kirar mbuŋa Raraŋ Aetaniac ma menaca muk inik ndeacrena meikramtairmo ma moi mina mac nda ŋgepnande.

¹⁶ Na mina tapaca mo ndop te, mina outna witna kapirpaikna tip emtem angica kuri maica, mina anna emtemma angica an mbuɲa gimbamba moca Raraŋ Aetaniaca neaŋnande. Te, anna manan. An tipna kirara mina morinanna, an witna kapirpaika mina kuririnanna, mina muruɲa Raraŋ Aetaniacnan malaruat. Na ikna iacndukca Raraŋ Aetaniacnan te, mana ɲaik toco muruɲa anna manan.

¹⁷ Na Israelnanda mina ik olip laŋ ianna kirar, ri, Raraŋ Aetaniaca mana ɲaik ndeidmo taraia kataca kecamacariat. Na ne Iudana meikramtair wanaiŋ ndeida, ne raŋna ik olip kunna ɲaikta kirar, na Raraŋ Aetaniaca nen angica nenmo an ik olip laŋna ɲaik, ma taraia kecariatna taupembca mac nda ruti metmbacrina. Na ne mandeaca an ik olip laŋna iacndukna wai laŋ angica ne mana ɲaik ndeidta kirar, ne laŋ ndeacnande.

¹⁸ Aintik ne ndorimo gaimda kai lamɲi teac, aia laŋ ŋgoin, aia an ik ŋgoinna ɲaikmo kundrina. Na ne ainta landamɲi aŋɟi te, ne iŋcait outcait ndamɲi. Na ne an ikna ɲaik, ne an ikna iacndukmo waia mba neaŋrenanna. Wanaiŋ. Iacndukca ndo nemo wai neaŋrena.

¹⁹ ɲarikca ne gaimdopnande, “Raraŋ Aetaniaca ndo an ikir ɲaik taraia kecariatnan, ma ndo aimo mina taupembca metmbacnande.”

²⁰ Anna gidik, Raraŋ Aetaniaca ainda moatna. Na mana moatna an tipna kirarna miniɲa gaimd,

11:16 Ndu 15.17-21, na Esi 44.30 **11:17** Ier 11.16, na Up 2.39, na Epe 2.11-19 **11:18** In 4.22, na 1 Ko 10.12 **11:20** Ais 66.2, na Ro 12.16, na Pil 2.12

mina ripac ngocor, ainda moca ma minmo kataca kecariatna. Na ne ripacat tik, ainda moca ne laj ndeacnande. Aintik ne ndoritake wat, na ne rugut pac mo, moca ne garuruca ndorita iremb anjiri ngep nari.

²¹ Na ne lamņi, ngaua Raraņ Aetaniaca mana ņaik koindmo mba wattacariri. Na an kirar kabe, ne garuru te, ma nemo mba mac watcaritndai.

²² Ne matau ngoin ndamņicari, Raraņ Aetaniaca tip laja ma morena. Na ma nikkakat toca morena. Na meikramtaira mana tip kirara ranjai ngocor, ma minmo nikkatnande. Na Raraņ Aetaniac, ma nenmo tip kirar laja morena, na ne ndori mana tip kirar laja witiki gagraca ranjai. Na wanaiņ ecte, ma nen motoco tarai kecarinande.

²³ Na an ņaik ndeida ngaua Raraņ Aetaniaca taraia irikatnan, mina ripac te, Raraņ Aetaniac ma minmo mac nda anjira minmo ik mac nda metmbacnande. Anna gidik, Raraņ Aetaniac ma min, ma minmo mac nda anjiri metmbacnande.

²⁴ Na ne malamņireke, ngaua ne ik olip kunna ņaik ndeacri, Raraņ Aetaniaca nemo kataca anjira ik olip laj naanjira metmbacatna, anna nena ik ngoinna wanaiņ. Aintik anna gidik ngoin, Raraņ Aetaniaca ma min, ma an ikna ņaik koind anjica minmo mina ngau ndeacrina ik mac nda anjiri mina taupemb koinda metmbacnande.

Raraņ Aetaniaca meikramtairmo ndona kakadmaina opotacnan wandacna moca

25 Ne Iesusa ripacrena laiplacar, aku tonjgorinanna ne gan injoroca eacrena kam ian mbarac. Moca ne ndorimo aind ndamñi nari, ne iro aniacap. Ainda moca aku nemo gan injoroca eacrena kam ndopnande. Anna gaind, Israelna wiwitna ndeidta iroar inkara garururenanna, mina aind ndeaci tañi, an minna Rarañ Aetaniac larapacrinan, na Iudana meikramtair wanaiñ titpaikca mana meikramtaira eacit.

26 Na an taup mbuñ Rarañ Aetaniaca Israelnandmo, muruñ mac nda anjñande, Rarañ Aetaniacna timbigta kap mboprina kamna kirara larurina, "Israelna meikramtair ñgotacna ramootta ma kocrorina, ma Ierusalemnan ñgepca kipca Iakopna wiwitna meikramtaira Rarañ Aetaniacna kam mbarac narica, mina mana an tip kirarmo kecarina moca.

27 An min mbuñ aku minap kam leaca mina tipemb ñgorikta makukarmo kocnai mo kecarinande."

28 Na Israelnanda mina Iesusna kam wemban lañmo in neangatke, ainda moca mina Rarañ Aetaniacmo, moa anjñira ndorita puñdamootta mori, an reaca nemo Iudana meikramtair wanaiñmo opotaca moatna. Na atu ñgoin Rarañ Aetaniaca minmo babuatna, na ma minmo matjirenan. Ma mina rimbñar ñgamrirta tamjica ainda moatna.

29 Na Rarañ Aetaniac ma meikramtairmo aca mina man ndambuñ nakip te, minmo ma reik

11:25 Lk 21.24, na In 10.16, na Ro 12.16, na 2 Ko 3.14, na KIEK 7.9

11:26 Ñap 14.7, na Ais 59.20, na Mt 23.39 11:27 Ier 31.33-34, na Ib 8.8, na 10.16

lainj neanñande, inñbaia mana iroa ma mba ngetrikitndai.

³⁰ Na ngaua ne Rarañ Aetaniacna kamma ne nda ipuñrena, na mandeaca Israelnanda Rarañ Aetaniacna kamma nda ipuñri, an taup mbuñja ne mandeaca Rarañ Aetaniacna kakadmaina opotaca anñiratna.

³¹ Na mandeaca aind niñgik, Israelnanda Rarañ Aetaniacna kamma nda ipuñreke, na gan kakadmaina opotaca ne anñirinanna, mandeaca mitoco anñinande, anna Rarañ Aetaniacna kakadmaina opotac.

³² Na Rarañ Aetaniac, ma an kam nda ipuñrena tip kirarmo wattacarica an tip kirara meikramtairmo kac ngoreacna kirara tikca eacri, na anna gaind ma ndona kakadmaina opotacmo meikramtairmo muruñja wandacna moca.

Aia Rarañ Aetaniacna i anñiri ngepna min

³³ Ae! Rarañ Aetaniacna tipemb kirarir lainj mananapa, mana iro landamñi mananna ma min ngoin, macaitna orerna kirar! Aia ramootta mana iroarta minñja aia orea lamñina minna, wanaiñ ngoin! Na aia mana taupembca ranñaina minna, wanaiñ ngoin.

³⁴ Na Rarañ Aetaniacna timbigta kapna inik ndeacrena kamna kirar, “Mandaia ndo Kacootna iro inikna landamñiara lamñica eacrena?”

11:30 Epe 2.2, na Kol 3.7 **11:32** Ro 3.9, na Gal 3.22, na 1 Ti 2.4

11:33 Iop 11.7, na Nñap 36.6, na 92.5, na Ais 55.8-9 **11:34** Iop 15.8, na 36.22, na Ais 40.13, na 1 Ko 2.16

Na mandaia ndo manmo ainta landamņiar neaņrina?

³⁵ Na mandaia ndo out ngoinna Raraņ Aetaniacmo reik neaņgatna, te, Raraņ Aetaniaca mana reikmo mac nda rutit?" Wanaiņ ngoin.

³⁶ Na anna gidik ngoin. Raraņ Aetaniac, ma ndo reac, reaca moa laruatna, na ma ndo reac, reacna miniņ. Na reac, reaca muruņa anna manan niņgik. Na aia iarwara mana i aniac aņgiri ngepraņ. Na anna gidik ngoin.

Pola tip kirar laņmo Karaisa ripacrena meikramtairmo mbopca mina tip kirar laņa monā

12

(12.1—15.13)

*Aia ndorita tikembmo ģimbambna reaca moca
Raraņ Aetaniaca neaņ*

¹ Ainda moca aukna Iesusa ripacrena laiplacar, aku Raraņ Aetaniacna kakadmaina opotac aniac mananna moca, aku kam gargara nemo gaindopnande. Ne ndorita tikembmo an puņga ģimbamna kirara moca Raraņ Aetaniaca neaņ. Na ne menac nģocor ndeacekna min mbuņa, ne Raraņ Aetaniacna meikramtair koind ndeacnande, na ne mana tonģorena tipemb kirarira ne anna mo. Na ne ainda mo te, ne Raraņ

11:35 Iop 35.7, na 41.11 **11:36** 1 Ko 8.6, na Gal 1.5, na 2 Ti 4.18, na Ib 13.21, na 2 Pi 3.18 **12:1** Nāp 50.13-14, na In 4.24, na Ro 6.11-13, na 1 Ko 6.13, na 6.20, na Ib 10.20, na 1 Pi 2.5

Aetaniacmo nena nikinik iroar punğa tutpemb rimbıtca mbendeinande.

² Na ne gan tiacarpaikna meikramtair taņrena kirarira kai taņ teac. Kari ŋgoin ndacari. Aında moca ne Raraņ Aetaniacmo wattacarica ma nena iroar inkarmo moi ŋgaib taruna, na nena tipemb kirarir toco ŋgaib taruna. Aında moca ne Raraņ Aetaniacna tipemb kirarir lainğa ma toņgorenanna, ne matau lamņinande. Na ne an tipemb kirarir lainğa matau lamņinandet, na an tipemb kirarira Raraņ Aetaniacmo mataua moa toņgorenanapa, an tipemb kirarir wandoik koindapa, kirarir lain toco ne lamņinandet.

Raraņ Aetaniaca aimo wanaiņa neaņrina opotacna reac laņa aia anna aiņ niņgikca mo

³ Na Raraņ Aetaniacna kakadmai mbuņa Raraņ Aetaniaca aukmo reac laņa neaņa aku mana aiņa mona moca aukmo lara-pacatna, aintik aku nemo gan kam garga nena kabe, kabena waparac nakena mamoeek. Ne ndorimo gainda kai lamņi teac, nena landamņiarapa, tipemb kirarira kabena meikramtairtanmo kunda tamuņmbai ndeacrena. Wanaiņ. Ne ndorita raņgairena tipemb kirarira matau watca anna matau lamņi rapac, Raraņ Aetaniaca nenmo neaņrina an ritipacna min niņgik.

⁴ Na aia lamņirena, aina tikembca muruņ kabe, na mana umbumbura wiť ndeacrena, na

12:2 Epe 1.18, na 4.23, na 5.10, na 5.17, na Kol 1.21, na 1 Pi 1.14, na 1 Io 2.15 **12:3** 1 Ko 3.10, na 12.7, na 12.11, na Gal 2.9, na Epe 4.7 **12:4** Epe 4.16 **12:4** 1 Ko 12.12

an umbumbura mina aiŋ kabea mba morenanna.

⁵ Aintocna kirar mbuŋa. Aia meikramtair wit aniac ŋgoinna eacrena, na Karais mbuŋ tik, ma aimo aŋgirca tik kabena kirar toc ndarurina. Na aina wit aniacna kabe kabea aia kabena meikramtairmo mikca, na kabe ndarunande.

⁶ Na Raraŋ Aetaniacna kakadmaina opotac mbuŋ tik, ma aina kabe, kabemo iroar damndamma aimo opotacna reac laŋna kirara moca neaŋgatna, aintik aina ramoot ianna, landamŋi mananna ramma momona ramootna kirarna kam toc ndop te, anna laŋ, ma ndona ritipacna minna kambta min niŋgik ndop.

⁷ Na ramoot ian, ma Raraŋ Aetaniacna kabena meikramtair ŋgotacna landamŋiap te, laŋ ma min ŋgopotacna aiŋ gidikca mo. Na ramootta ririptina aiŋa mona landamŋiap te, ma ririptina aiŋ gidikca mo.

⁸ Na ramootta meikramtairta iroar inkara moi gagarana landamŋiap te, ma meikramtairta iroar inkara moi gagarana aiŋmo, aiŋ gidikca mo. Na ramootta reik matpirena meikramtairmo reik kotac ndop te, ma minmo reikmo iro laŋap neaŋ. Na ramootta aiŋ ianna ŋginana morenan te, ma an aiŋmo matau moi gagra. Na ramootta kabena meikramtairmo kakadmaina opotaca morenan, ma minmo toŋgoca minmo otacrena.

Aia ndorita mamatŋimo ndorita laiplacara

12:5 1 Ko 12.27, na Epe 4.25 **12:6** 1 Ko 12.28, na 13.2, na 1 Pi 4.10-11 **12:6** 1 Ko 12.4-11 **12:7** Up 13.1, na Gal 6.6, na 1 Ti 5.17 **12:8** Up 15.32, na 20.28, na 2 Ko 9.7, na 1 Pi 5.2

neañ

⁹ Ne ndorita mamatnjimo kabena meikramtairmo lajanna neañ, na ne kai paru teac, kari ngoin. Ne minmo tongoca matnjirañ. Na ne tip ngoreacmo ndarekrekecarica, ne tip lañ ningikca mik.

¹⁰ Ne ndorita iroar inkarmo Rarañ Aetaniacna meikramtaira neañ, te, minmo an nena ndorita Iesusa ripacrena laiplacarta kirara tongoca matnjirañ. Te, ne kabena meikramtairta iremb angiri ngepna aiñ ningikca wakiki mo.

¹¹ Na ne memetmbaca aiña wakiki morañ, na Neronñ Ratmo watcarica ma nemo aoci ngepca, ne Kacootna aiña mona.

¹² Ne ripacre tik, ne Kacootna lambirena, ma nenmo otacnande, aintik ne tongo. Narikca makukara nenmo laru te, ne witiki gagaraca, ne memetmbaca mbendeirañ.

¹³ Na Rarañ Aetaniacna meikramtair ndeida, mina reik ndeida matpai te, ne minmo otac. Na kabena auña meikramtair ndeida mina nen ndambun nakip te, ne minmo matau ngoinna raupji.

¹⁴ Na meikramtaira nenmo matau mo ngocora mo te, karica ne Rarañ Aetaniacmo mbendeica ma minmo matau mo. Na anna gidik, ne Rarañ Aetaniacmo mbendeica ma minmo matau

12:9 Np 34.14, na Emo 5.15, na 1 Ti 1.5, na 1 Pi 1.22 **12:10** Pil 2.3, na Ib 13.1, na 1 Pi 1.22, na 2 Pi 1.7 **12:11** Up 18.25, na KIEK 3.15 **12:12** Up 2.42, na Pil 3.1, na 1 Te 5.16-17, na Ib 3.6, na 10.36, na Ie 1.4 **12:13** 1 Ko 16.1, na 2 Ko 9.1, na 9.12, na Ib 13.2, na 13.16, na 1 Pi 4.9 **12:14** Mt 5.44, na Lk 6.28, na Up 7.60, na 1 Ko 4.12, na 1 Pi 3.9

mo. Na ne manmo mina moi ngocrai nake kai mbendei teac.

¹⁵ Na ne an tongoca werairena meikramtairap tikca ne muruŋa tikca tonjo werei. Na ne an aarena meikramtairap tikca ne muruŋa aeraŋ.

¹⁶ Ne kabena meikramtairmo an tip kirar kabe niŋgikca mo. Na ne ndorimo gaimda kai lamŋi teac, “Aia meikramtair anik ndeacnande.” Wanaiŋ. Na ne an iremb kocora wanaiŋ ndeacrena meikramtair motocmo minap eteacna tonjonap eac. Ne ndorita ia kai aŋgiri ngepca gaimda kai mbop teac, “Auk niŋgik, aku ndo landamŋiap.”

¹⁷ Na mina nemo tip ngoreaca mo te, ne mina tip ngoreaca kai mac nda ruti teac. Kari. Memetmbaca ne meikramtair muruŋcamina lamnikmo tip kirar laŋ niŋgikca mona landamŋi, ndamŋi.

¹⁸ Na ne min ecte, ne ndori koinda kaega kai mo teac, ruŋna iro kai aŋgi teac. Memetmbaca ne kabena meikramtairap iro wetwetta tikca tumbun ndeacna taupembta kore.

¹⁹ Na ne aukna aikor laiŋ koind, ne ndori puŋga mina nenmo moekna tipemb ngorikmo, ne kai mac nda ruti teac. Ne Raraŋ Aetaniacmo wattacarica ma minmo niŋkat. Na ne malamjireke, Raraŋ Aetaniacna timbigta kapca gan kammapp maeacreke, “Tip ngoreac mac nda

12:15 Njap 35.13 **12:16** Njap 131.1-2, na ML 3.7, na Ais 5.21, na Ier 45.5, na Ro 11.20, na 15.5 **12:17** Mt 5.39, na Ro 14.16, na 2 Ko 8.21, na 1 Te 5.15 **12:18** Mk 9.50, na Ro 14.19, na Ib 12.14
12:19 TW 32.35, na ML 24.29, na Mt 5.39, na Ro 12.17, na 13.4, na 1 Te 1.6-7, na Ib 10.30

rutinanna, anna aukna aiņ. Aku ndo mina tip ņgoreac minan mac nda rutica, minmo mo ņgoreaca monande.

²⁰ Na ņarikca una puņdamootta nik wataica eacraņ te, u manmo amna reac neaņ. Na ma logot gagra te, u manmo puk neaņ. U aında mo te, ma numbira mocarinande, ndo morina tip ņgoreacna moca.”

²¹ U tip ņgoreacmo kai watcarica ma unmo kai kun teac. Wanaiņ. Una tip laņ niņgik mbuņa u tip ņgoreacmo moi iriknande.

13

Aia gan tiacarpaikna ramtair paņaindta kaņgauk ndeacraņ

¹ Na meikramtaira muruņcamiņ ņgoinna gan tiacarpaikna ramtair paņaindta kaņgauk ndeacraņ. Na aia lamņirena, gan tiacarpaikna ramtair paņainda, mina ndori puņga mba laruri. Wanaiņ. Gan tiacarpaikna ramtair paņaind morena aiņira, anna Raraņ Aetaniac niņgikna par mbuņ ndarurina. Aintik an ramtair paņainda eacrena. Na Raraņ Aetaniaca ndo minmo tikca mina eacrena.

² Aintik meikramtaira gan tiacarpaikna ramtair paņaindta kambmo nda ipuņrenan, na an ramtair paņainda anna Raraņ Aetaniaca ndo minmo mo ndopca neaņrina aiņa mina anna morena. Na an meikramtair mina aında

morenan, mina ainda morena tipna kirara, mina anna opoik ngoreaca anġinande.

³ Na gan tiacarpaikna ramtair pañainda mina eacrenanna, mina tip laña morena meikramtaira moi rugdar mo nake mba eacrenanna. Mina tip ngoreaca morena meikramtaira moi rugdar mona eacrina. Aintik u gan tiacarpaikna ramtair pañaind tarica rugut mo te, u tip kirar lañ niñġikca mo, te, ma una i anġiri ngepnande.

⁴ Na gan tiacarpaikna ramtair pañainda mina Rarañ Aetaniacna aiña ramtair, unmo otaca unmo moi anġiri lañ ndaruna moca. Na u tip ngoreaca mo te, u rugutta mo. Na u lamñi, gan tiacarpaikna ramtair pañainda bu-grim ngutiñga, eacrena, na mina wanaiña mba utiñga eacreke, mina Rarañ Aetaniacna aiña ramtair, na ramootta tip ngoreaca mo te, ma mana tip ngoreacna opoikca nda rutica ma anġinandet.

⁵ Aintik aia gan tiacarpaikna ramtair pañaindta kanġauk ndeacrañ. Na aia an opoik ngoreacmo nanambirañ te, aia mina kambca ranġairañ. Na aia ndorita iroar inkar koind punġa ġaind ndamñi, an tipna kirara anna wandonj. Aintik aia anna ranġairenan.

⁶ Na anna miñiña moca ne kitcartukar iurena ramtaira neañrena, aintik gan tiacarpaikna ramtair pañainda mina Rarañ Aetaniacna aiña ramtair ndeacreke, na memetmbaca mina Rarañ Aetaniacna neanġatna aiña mina an

raupņirena.

⁷ Na titocna reikca ne aņģica gan tiacarpaikna ramtair paņainda neaņrenan, ne minmo neaņ. Na ne titocna kitukndukca mina iurenan, ne an kitcartukar iurena ramootmo aņģira neaņ. Na ne ramoot ianna kaņgauk ndeac te, ne mana kam mbarac te, manmo tip kirar laņ wandac. Na ramootta irembta ramoot ndeac te, ne mana i aņģiri ņgepraņ.

Aia kabena meikramtairmo gidik ņgoinna matņiraņ

⁸ Na ne ndorita kabena meac, co, ramootta rutirena reac ianna kai watcarica eac teac. Na ne meac, co, ramoot ianna reacmo aņģi te, ne kai wattacarica eac teac, ne mananmo nda ruti. Na an rutirena reac kabe, ma memetmbac ndeacrena, na an rutirena reaca anna kabena meikramtairmo matņirena tipna kirar. Na anna gaind, ramootta ndona mamatņimo kabena meikramtaira neaņ te, ma Tip Wandikmo gidik ņgoinna raņgairena ramoot.

⁹ Na aia lamņirena, Tip Wandikca gaindoprina, "Ne meacramoota kai mo menac teac. Na ne kai makim teac. Na ne kai kabena ramootna reikca kai wati matņi teac. Na ne meacramootna tip ņgadudukca morena tip kirara kai mo teac." Ande an tipemb wandikapa, kabena tipemb wandik ndeid toco maeacreke. Na mina muruņa gan kam tip kabena inik ndeacrena, "U ndomo matņirena tipna kirara,

u kabena meikramtairmo gidik ngoinna ainda matji.”

¹⁰ Na ramootta kabena meikramtairmo matjirenan, ma minmo tipemb ngorikca mba moitndai. Aintik ramootta ndona mamatnjimo kabena ramootta neanjrenan, ma Tip Wandikca gidikca ranjairena.

Aia wandonj ningikca tanraŋ

¹¹ Na aku nemo gan tipemb kirarira mona ndoprena, na anna minija gaind, ne malamnjireke, an minna mandeaca aia eacrenan. Ainda moca mandeaca nena ngogomo tikcarica ne ngep. Na ne malamnjireke, an minna aia Karaisa ripacrina meikramtair ndarurina, na an minna, Raraŋ Aetaniaca ai mac nda anjina ra, ma tawan ngoin ndeacrina. Na mandeaca an rana kidrikca kipca rambuŋaia macarica.

¹² Na neaupa maica tarkireke, na auŋa maica rarukena mamoeke. Aintik aia neaupna tipemb ngorik muruŋ mananmo tikcarina. Te, aia memetacna reikmo anjica anna ramootta rundukta lamboi anjica aocek toc.

¹³ Na aia wandonja tanraŋ, an kirara ramootta ra mbuŋa tanrena kirar, na aia wandonj ngoinna ainda taŋ. Na aia pukca kai amca njanjaoi garuru teac, na aia tipemb ngadudukca kai mo teac. Na aia tipemb ngorikmo piriŋ morena kirara kai mo

13:10 Mt 22.40, na Ro 13.8, na 1 Ko 13.4-7 **13:11** 1 Ko 15.34, na Epe 5.14, na 1 Te 5.5-7 **13:12** Epe 5.11, na 6.11-13, na Kol 3.8, na 1 Te 5.5-6, na 1 Io 2.8 **13:13** Lk 21.34, na Epe 5.18, na Pil 4.8, na 1 Te 4.12, na Ie 3.14, na 1 Pi 2.12, na 4.3

teac. Na aia kaega kai tamtami moca kabena ramootmo nikkat teac.

¹⁴ Aintik ne ndorimo Kacoot Iesus Karaismo anjica manmo lapoca runrena lamboina kirar toca moca ndorita tikemb kaoc. Te, ne gainda kai lamjica ndorita tikembca tongorena kirarir ngorikca kai rangai teac.

14

Aia ndorita laiplacarta tipemb kirarirmo kai ritri teac

¹ Na ramootta ripacrenanna, na mana ritipaca njanari panpaini ngocor. Anna ne manmo mac nda anjiri kipi, Iesusna ritipaikta meikramtairta tumbunna mbukna. Te, aia njanari lamji ngocorta reikta ke, kai gigirai digi ore teac.

² Na ramoot ianna ma ndona ritipaca moa gagraca, ma an reac, reaca muruŋ ngambrena. Te, ramoot ianna mana ritipaca panpaini ngoinna wanaiŋ, aintik ma wariŋna ikir uprir tiŋgik ngambrena.

³ Na ramootta reac, reaca tamtamma ambrena, ma an wariŋna ikir uprir tiŋgikca am ngocorta ramootmo, iro ngoreaca kai anji teac. Na ramootta wariŋna ikir uprir tiŋgik ambrenan, ma gainda kai lamji teac, ramootta reac, reaca muruŋ ambrenan, ma tip ngoreacna makukca morena. Wanaiŋ. Raraŋ Aetaniaca an ramoot motocmo maanjiatna.

13:14 Gal 3.27, na 5.16, na Kol 3.10, na 1 Pi 2.11 **14:1** Ro 15.1, na 15.7, na 1 Ko 8.9-11, na 9.22 **14:1** Kol 2.16 **14:2** RL 1.29, na 9.3, na Ro 14.14, na 1 Ko 10.25, na 1 Ti 4.4 **14:3** Kol 2.16

⁴ Na u mandaia u an kabena ramootna aiŋna ramootna kirarira ritrina moek? Na ŋarikca ma ndona aiŋa witiki gagraca moit, co, ma mbutukit, anna mana ramoot paŋanna reac. Na ma witiki paŋpaininande, anna gaind, Kacootta ma manmo moi paŋpaini te, ma witiki gagraana min.

⁵ Na ramoot ianna mana iroa ma gaind ndamŋirina, ra kabe ian, anna ra bagaraniac ŋgoin. Na kabena ramoot ianna ma gaind ndamŋirina, an rai mina muruŋa iro kabe niŋgik. Te, ne meacramoot kabe, kabea ne anmo matau lamŋi, titocna iroa mina iro inikap wandoŋa eacrenanna tikit.

⁶ Na ramootta Raraŋ Aetaniacna ndamŋina moca, na ma ra ianna larapac te, an ra, anna Raraŋ Aetaniacnan. Na ramootta reac, reaca muruŋa tamtamma ambrenan, an ramoot ma Raraŋ Aetaniacmo lamŋicarica ma ambrena, ma Raraŋ Aetaniacmo kam laŋ neaŋgacarica ma ambrena. Na ramootta reac, reaca muruŋa tamtam ŋgam ŋgocorta ramoot, ma Raraŋ Aetaniacna ndamŋiri, ma amna reik ndeidmo, ma anna wandik tikrena. Na ma toco Raraŋ Aetaniacmo kam laŋa neaŋrena.

⁷ Na aia lamŋirena aina tumbunna inikna ramoot ian, ma gainda mba lamŋiri, mana eteacna wat manan, anna mana reac. Na ianna gainda mba lamŋiri, mana memenaca anna mana reac ŋgoin. Wanaiŋ.

14:4 Mt 7.1, na Ie 4.11-12 **14:5** Gal 4.10 **14:6** 1 Ko 10.31, na Gal 4.10, na 1 Ti 4.3 **14:7** 1 Ko 6.19-20, na Gal 2.20, na 1 Te 5.10, na 1 Pi 4.2

⁸ Na aia eteacna watap eacraŋ te, anna Raraŋ Aetaniacna reac. Na ŋarikca aia menac te, an toco anna Raraŋ Aetaniacna reac. Ainda moca aia eteacna watap eacrenan, co, aia menac te, aia muruŋa Raraŋ Aetaniacnan tiŋgik.

⁹ Na Karais, ma toco ma menacatna, na ma mac nda wat aŋgica mac nda ŋgepatna, ma ndo an menacrinanapa an eteacna watap eacrenanap, ma mina Kacoot ndeacnande.

¹⁰ Na u kaina moca, ndona Iesusa ripacrena laiplacarta ianna tiŋ kirara ritri watreke, na u manmo kam ŋgoreac ndoprena? Na kaina moca, u ndona Iesusa ripacrena laiplacarta ianmo komerena? Na ne lamŋirena, aia muruŋcamiŋa Raraŋ Aetaniacna outta witikca ma aina ritri waparaca monande.

¹¹ Na anna Raraŋ Aetaniacna timbigta kap mboprina kamna kirar, na ma gaidopatna, “Aku Kacoot, aku memetmbac ndeacrena, na aku gidik ŋgoin ndoprena, gan tiacarpaikna meikramtair, mina muruŋa auk ndambun nakipca aukmo tutpemb rimbitnande. Te, mina muruŋcamiŋa kam piarri mbopnande, aku Raraŋ Aetaniac gidik ŋgoin.”

¹² Aintik aia lamŋirena, aina muruŋna kabe, kabea ndori morina tiŋpemb kirarirta miniŋa, Raraŋ Aetaniacmo mbopnande.

Aia ndorita laiplacarmo kai moca mina ŋateca tiŋ ŋgoreacna makukca mo nari

14:8 Lk 20.38, na Gal 2.20, na 1 Te 5.10 **14:9** Up 10.36, na 2 Ko 5.15 **14:10** Mt 25.31-32, na Up 10.42, na 17.31, na 2 Ko 5.10

14:11 Ais 45.23, na Pil 2.10-11 **14:12** Mt 12.36, na Gal 6.5, na 1 Pi 4.5

13 Aintik aia Iesusa ripacrena laiplacara morena tipemb kirarirmo, kai ritri waparacna tip kirara kai mo teac, na minmo iro ngoreaca kai anji teac. Na aia iro dam ianna rangai te, an iroa, aia reac ianna kai moca ndorita Iesusa ripacrena laiplacarmo, moca mina tip ngoreacna makukca mo nari.

14 Na Kacoot Iesusa ma aukna iromo moa piarra waekeca, aku gaind ngoin ndamjirina, Raranj Aetaniacna lamniaca watreke, amta reikca muruŋa rat ningik. Na ramoot ianna ma ndo mbuŋa gaind ndamji te, an amna reac rat ngocor ngoin, aindop te, anna lanj, an reac mana eteacna watmo lanj wanainj.

15 Aintik u reac ian am te, moca una Iesusa ripacrena laiplacara, ianna gaind ndamji nari, u Raranj Aetaniacna lamniacmo u ratta mba larureke, na an tipna kirar mbuŋa u ndona an kakana iroa moa ngocraiapekna. Na u gaind ndamji, una moapekna an tipna kirara, u ndona kaka nake mba matjiri. Na an kakamo, Karaisa mana moca menacatna, man mac nda anjina moca, na u ndona amna reac mbuŋa kai watcarica una amna reac manmo kai mo ngocrai teac.

16 Na ne gaind ndamji, reac anna lanj ecte, ne ndoritake wat, moca nena morena tipemb kirarira ndori moca kabena meikramtair anna watca aindopnande, an reac anna peperena kam ngoreacna reacnan.

14:13 1 Ko 8.9, na 8.13, na 10.32 **14:14** Up 10.15, na Ro 14.2, na 14.20, na 1 Ko 8.7-8, na 1 Ti 4.4, na Ta 1.15 **14:15** 1 Ko 8.11-13
14:16 Ta 2.5

17 Na Raraŋ Aetaniacna bubuocna inikca anna anna reacapa pukapna reac, wanaiŋ. Na Raraŋ Aetaniacna bubuocna kirar manan ŋgoinna gaind, tip kirar wandoŋ gidikapa, nikinik iro wetwet ndeac te, toŋtoŋ ŋiŋgik ndeacna kirar ŋiŋgik, anna Neron Ratta moa larurenan.

18 Na ramootta an kirara raŋgaica Karaisna aiŋa mo te, Raraŋ Aetaniac ma manmo toŋgonande, te, meikramtaira manmo kam toŋtoŋ laŋ ndopnande.

19 Aintik aia an kirarirmo muruŋcamiŋa raŋgai, anna ndo aimo moi aŋgiri aia nikinik iro wetwet ndeac te, an kirarira ndo kabena meikramtairta ritipaikca moi paŋpaŋirena.

20 Na u amna reac ŋiŋgik nake, kai lamŋica Raraŋ Aetaniacna aiŋa mo ŋgocrai teac. Na anna gidik, reikca muruŋa amna laŋ. Na ŋarikca u an amna reac ian am te, ramootta anna watca anna mbutuk te, anna u tip ŋgoreaca morina.

21 Na u racaindta ŋgoaemna buit ian ambri, co, wain puk ambri, co, u reac ianna mo te, na an reikca ndori moca una kaka anna ŋgirik te, anna laŋ, iŋmbaia u an reac kai mac mo teac.

22 Na una ritipaca ma ndo umo iroar neaŋrena, u an reikmo, u titoca tikca lamŋirena, anna una reac ŋgoin, unapa Raraŋ Aetaniacap. Na ramootta gaind ndamŋi te, reac ianna anna laŋ, ma lamŋirena mana iro inikca manmo

14:17 1 Ko 8.8 14:18 2 Ko 8.21 14:19 Ro 12.18, na 15.2, na 1 Ko 14.12, na 1 Te 5.11 14:20 Mt 15.11, na Ro 14.14-15, na 1 Ko 8.9, na 8.13, na Ta 1.15

ritri waparacna taupca tikna minna wanaiŋ, ma toŋtoŋ niŋgik.

²³ Na ramootta racaindta reac ianna buit ambca, ma ndo an tip kirara ainda morinanna moca, ma anna iro mbuniŋ naaŋgi te, anna mana ŋgoreacap, aintik ma aind ndamŋi ŋgocor tik ma morina, na mana ritipaca manmo ainda mo te, anna laŋ, co, anna ŋgoreac. Na aia tip kirar ianna moca aina ritipaca anna toŋgo ŋgocor te, anna aia tip ŋgoreacna makukca morina.

15

Aia Karaisna iroapa mana tip kirara ranŋai

¹ Na aia meikramtaira ritipaik gagrarap eacrenan, aina momona aiŋa, aia an meikramtaira ritipaik gagrar kocortanmo, aia otaca mina makukar mbukna. Na aia ndori tiŋgik ŋgotacna iroara kai aŋgi teac.

² Na aia muruŋcamiŋa kabe, kabea aia ndorita laiplacarmo otac te, mina tipemb kirarir laiŋ aŋŋinandet, na mina ndorita ritipaca moi panpaininande.

³ Na aia lamŋirena, Karais, toco ma ndo niŋgik ŋgotac nake anna iroa mba lamŋirenan. Na an tip kirara manmo larurenanna, anna Raraŋ Aetaniacna timbigta kapna kamna kirara, aindoprina, “Meikramtaira unmo kam ŋgoreac

14:23 Ta 1.15 **15:1** Ro 14.1, na Gal 6.1 **15:2** Ro 14.19, na 1 Ko 9.19, na 9.22, na 10.24, na 10.33, na 13.5, na Pil 2.4-5 **15:3** Ŋap 69.9, na Mt 26.39, na In 5.30, na 6.38

ndop te, an kam ngoreac mina mboprenan, anna mina auk ndoprina.”

⁴ Na an kambca atua mina Raraŋ Aetaniacna Timbigta Kapca tirrinanna, anna aimo anna ripti aŋgina tiratna. Na an Timbigta Kapna kambca anna aina iroar inkara moi paŋpainica aia witiki gagraca, Raraŋ Aetaniacna ritipac laŋna eteacna ndabina, ma kipca aimo aŋgina moca.

⁵ Na aia Raraŋ Aetaniac ndambuŋna gargar niŋgik aŋgirenana, na ma ndo kabea aimo moa gagraca aina ritipaikca witik gagraca eacrena. Aintik Raraŋ Aetaniaca nenmo otaca ne Karais Iesusna tipna kirar koinda raŋgaica an iro niŋgik ŋgutij. Aina mo te, ne iro kabe niŋgik ndeacnande,

⁶ te, ne muruŋcamiŋa iro kabe tikca Raraŋ Aetaniacna i aŋgiri ŋgep, ma aina Raraŋ Aetaniac, na ma aina Kacoot Iesus Karaisna Aet.

Karais ma Iudanandapa Iudamo wanaiŋna meikramtairap otacrena

⁷ Aintik ne muruŋcamiŋa an Iesusna ritipacap eacrena meikramtairmo aŋgica kipca ne ndoriap eacna toŋgo, aina moca Karais toco nenmo kipca ndoap eacna toŋgorena. Na an tipna kirar mbuŋa ne Raraŋ Aetaniacna i aniacmo aŋgica ŋgepnandet.

⁸ Na aku gaindopnande, Karais ma Iudanan ŋgotaca mina aiŋa mona ramoot ndaruatna. Na ma aina moatnanna, ma wandacatna,

15:4 Ro 4.23-24, na 1 Ko 9.9-10, na 10.11, na 2 Ti 3.16-17 **15:5** Ro 12.16, na 1 Ko 1.10, na 9.9-10, na Pil 3.16 **15:6** Up 4.24, na 4.32 **15:7** Ro 5.2, na 14.1-3 **15:8** Mt 15.24-25, na Up 3.25-26, na 2 Ko 1.20

Raraŋ Aetaniacna kamma anna gidik. Na an tipna kirara Iesusa Raraŋ Aetaniaca mina nicar ŋgamrira babuca neaŋgatna kambca muruŋa ma moa minna tikrina.

⁹ Na ma toco toŋgorinanna, Iudana meikramtair wanaiŋa Raraŋ Aetaniacna kakadmaina opotaca watca, mina mana i aŋgiri ŋgepnande, na anna Raraŋ Aetaniacna timbigta kapca mboprina kirar,

“Aintik aku una ia Iudana meikramtair wanaiŋnanta kidrikca tikca aŋgiri ŋgep te,
aku una i aŋgiri ŋgepna ŋapar kumnande.”

¹⁰ Na Raraŋ Aetaniacna timbigta kapna kam ian toco gaind, “Ne kabena pitrik waŋna meikramtair, ne Raraŋ Aetaniacna wiwitna meikramtairap tumbunna tikca, ne toŋgoca werei.”

¹¹ Na kabena kam tip ian toco ma gaindopatna,

“Ne Iudana meikramtair wanaiŋa muruŋa Kacootna imo aŋgiri ŋgep.
Na ne kabena pitrikna waŋgor ndeacrena meikramtair toco,
ne mana imo aŋgiri ŋgep.”

¹² Na Aisaia toco gaindopatna, “Iesina wiwitnan, mina rikca gagrirta ramoot paŋan ŋgam

15:9 2 Sml 22.50, na Ŋap 18.49, na In 10.16, na Up 3.25, na Ro 9.23, na 11.30 **15:10** TW 32.43 **15:11** Ŋap 117.1 **15:12** Ais 11.1, na 11.10, na KIEK 5.5, na 22.16

ianna larunande, na ma Iudana meikramtair wanaiŋmo muruŋcamiŋ ŋgoinna, ma mina ŋginaŋa monande. Na Iudana meikramtair wanaiŋa, mina riŋaca eteac laŋna reikta nd-abirena.”

¹³ Na Raraŋ Aetaniac ma baburina reikca ma neaŋnande, an reik laiŋga aia aŋgi ndopca lambirenanna. Na ne mana riŋacrenan, na ma miŋ, ma nemo toŋtoŋ bagaraniacapa nikinik iro wetwet ndonanmo ma nemo tik laruna miŋ. Na Neronŋ Ratna gargar mbuŋ, ne an oitna miŋna lamtambina kirara morena, an kirar mbuŋa Raraŋ Aetaniaca ma aina lambirena an reik laiŋmo neaŋnande. Na an reikca nemo moi miŋna tiknande.

Pol ma ndona aiŋna kam ndopatke ma Romnandmo ra laŋ neangatna

(15.14—16.27)

*Pol ma ndona moatna kam wembaŋ laŋna
aiŋna toŋtoŋ ŋgoin*

¹⁴ Na ne aukna Iesusa riŋacrena laiplacar, aku nemo ndona nikinik iro mbuŋa riŋacrina, ne tip laŋna kirarirmo, ne memetmbaca morena. Na nena iroar landamjiara ne miŋ, aintik ne ramoot kabe kabea ne miŋ, ne Raraŋ Aetaniacna kabena meikramtairmo iro laŋ neaŋna miŋ.

¹⁵ Na kamb ndeida aku nenmo tirrinanna, anna emtemma gargar motem. Na aku an tirna rugutta mba mori. Wanaiŋ. Ainda moca

15:13 Ro 12.12, na 14.17
Pi 1.12, na 1 Io 2.21

15:14 1 Ko 8.1, na 8.7, na 8.10, na 2

aku ndomo nena iroara moi ngepna morina. Anna Raraŋ Aetaniaca aukmo kadmaica aukmo larapacrina.

¹⁶ Na aukmo Karais Iesusna aiŋna ramoot ndaruca, Iudana meikramtair wanaiŋnanta kidrik ŋgirikca an aiŋa mona moca. Na an aiŋ aku moeknanna, anna Raraŋ Aetaniacna kam wembaŋ laŋna kam, na aku morenan, aku taup ndamootna kirar toc ndeacrena, te, aku Iudana meikramtair wanaiŋmo aŋgi kipca, Raraŋ Aetaniac ndambuŋa gimbamba moekna kirara mo te, ma anna toŋtoŋ aniac ŋgoin. Te, Neroŋ Ratta minmo aoci ngepca mina Raraŋ Aetaniacna meikramtair koind ndarunande.

¹⁷ Ainda moca aku Karais Iesusap aiŋa moca, na aku Raraŋ Aetaniacmo an aiŋa morinanna aku toŋtoŋ bagaraniac ŋgoin.

¹⁸⁻¹⁹ Na aku kabena reikta kambca mba mbo-pitndai. Wanaiŋ. Na aku gan reacna kamma aku an niŋgikna kam ndopnande. Na aukmo Karaisa aukna para tikrina aiŋna kamma aku anna ninini niŋgikca monande. Na ma aukna kam ŋgotaca, ma aukna parmo aiŋir laiŋga morinan. Na ma aukmo gargara neaŋga aku ainta ŋgagatraca moatnan. Na Raraŋ Aetaniacna Neroŋ Rat toco, aukmo gargar neaŋgatna. Na an reikta muruŋa Karais moatnanna, anna Iudana meikramtair wanaiŋnanta iroara moi ngepca mina Raraŋ Aetaniacna kamma raŋgaina moca. Ainda moca aku Iesusna morina reikta kam wembaŋ laŋ mananmo, Ierusalemna tikca, moa

15:16 Ro 1.5, na 11.13, na 12.3, na Gal 2.7-9, na Pil 2.17

15:18-19 Up 19.18, na 2 Ko 3.5, na 12.12

ngepca an wiwitia mbopca auņembmo taņrina, aku tanġa Ilirikam pitrik aniaca ndaruatna.

²⁰ Na gan aiņa aku tonġorena, aku an auņembta meikramtairmo Karaisna i ndamņi ngocortanmo, aku minmo mana kam wembaņ laņ wiwitina. Na gan aiņa aku mba tonġorenanna, an ramootta outta iaca kerina garur tambatmo kaca an nambatta mba moitndai. Wanaiņ.

²¹ Aku an Raraņ Aetaniacna timbigta kap mboprina kamna kirara aku aında monandet, “An meikramtaira mana nininia mina ngaua warac ngocor, mina manmo watnande. Na meikramtaira ngaua mina mana kamma warac ngocor, mina manmo matau lamņinande.”

Pol ma Romnandmo watna moca ma Spenna taņnandet

²² Na gan aiņ aukmo memetmbac ngutiņa eacreke, aku nena kipi watna minna wanaiņ.

²³ Na mandeaca aku ganna tikca mona aiņir kocor. Na iarir witta aku nena watna pac lamņia taņrena.

²⁴ Aında moca aku nena watna tonġonap, na aku Spenna pitrik waņa taņna mo te, aku kipi nena watcarica, nenap emtem ndeaca, na aku tonġorinanna, iņmbaia ne aukmo otaca aku Spenna taņna.

²⁵ Na mandeaca aku Ierusalemma taņnandet, an ndeacrena Raraņ Aetaniacna meikramtair

ngotacna moca.

²⁶ Na Raraŋ Aetaniacna meikramtaira mon Masedoniaapa Akaiana pitrik waŋ ndeacrenan, mina kam leaca kitukndukeniŋ aŋgira tikca mon Ierusalemna neaŋ taŋna moca, an ndeacrena Raraŋ Aetaniacna meikramtaira reik kocortan ngotacna moca.

²⁷ Na an kitukndukara mina neaŋgatnanna, mina ndorita toŋtoŋ mbuŋa neaŋgatna, an tip kirara anna tip kirar laŋ. Ainda moca mina an reikmo rutina reacna kirara Iudananda moatna, na Iudananda mina Neŋgaourta reik laiŋga Raraŋ Aetaniacnan aŋgia taŋga Iudana meikramtair wanaiŋmo neaŋgatna, aintik Iudana meikramtair wanaiŋa mina Iudanandmo otaca mina tikemb matauna aiŋa mona reikap.

²⁸ Karica aku gan aiŋa moi korwicarica. Iŋmbai te, aku gan kituknduk aŋgica mon Ierusalem naaŋgi taŋca minmo neaŋnande. Na iŋmbaia aku Spenna taŋna mo te, aku kipi nenmo oke watnande.

²⁹ Na aku lamŋirena, aku nen ndambuŋ nakip te, Karaisna opotac aniaca aukap eacnande. Te, nenmo ma matau ngoinna monandet.

³⁰ Ne Iesusa ripacrena laiplacar, aku toŋgorina ne aina Kacoot Karais Iesusna iromo outta tik, na gan kirarmo aia kabena meikramtairmo matŋia morenan, na anna aimo Neŋoŋ Ratta moa larurena. Na aku toŋgorinan, an iroa nemo moi ŋgepca ne aukap tikca aia mbendeina

15:27 Ro 9.4, na 11.17, na 1 Ko 9.11, na Gal 6.6 **15:29** Ro 1.11

15:30 2 Ko 1.11, na Pil 2.1, na Kol 4.3, na 4.12, na 2 Te 3.1

aiŋ wakikia mo. Na ne Raraŋ Aetaniacmo mbendeica ma aukmo otacna.

³¹ Te, aukmo an Iudiana meikramtairta para tikca Raraŋ Aetaniacna kamma ndarenan, na warac narica morenanna para tikca mac nda aŋgina. Na ne Raraŋ Aetaniacmo mbendeica ma an ndona Ierusalemna meikramtairmo moi mina an aiŋ aku min ŋgotacna moeknanna toŋgo.

³² Aintik anna Raraŋ Aetaniacna reac, ma ndo aukmo toŋgo te, aku toŋtoŋ niŋgik, na aku kipca nena wat te, nenap emtemma mbiraci wiktiki eaca gargar mac nda aŋgina.

³³ Na an Raraŋ Aetaniac ma aimo mbibirac laŋ neaŋreke, aimo nikinik iro wetwet neaŋrena, nenmo muruŋcamiŋa ma nenap eacnande. Anna gidik ŋgoin.

16

Pola ma meikramtair witmo ra laŋ neaŋrina

¹ Na aku toŋgorinanna, ne Pibimo matau mo, anna ma aina mbi. Na man mona aiŋa ma Senkiria auŋna Iesusna ritipaikta meikramtairta tumbunnan ŋgotacrena.

² Na aku toŋgorinanna, ne Kacootmo lamŋiraŋ, te, ne Pibimo aŋgica ma nenap eac. Na anna tip kirar laŋ, aia Raraŋ Aetaniacna meikramtaira anna mo. Na ma reac ianna makukap eac te, aku toŋgorinanna ne manmo otac, ma meikramtair wit aniacmo otacrena, na ma auk motoco otacrena.

³ Na ne Pirisilaapa, Akuwilamo aukna ra laŋmo neaŋ, maniŋa aukap aia Karais Iesusna aiŋ kabea morena.

⁴ Na maniŋa menacna kocrorena, auk ŋgotacna moca, ainda moca aku ndo kabe niŋgikca maniŋmo kam laŋa mba neaŋri. Wanaiŋ. Na Iesusna ritipaikta Iudana meikramtair wanaiŋna meikramtairta tumnambca, muruŋcamiŋa oŋmo kam laŋ neaŋrina.

⁵ Na ne aukna ra laŋ motocmo maniŋna kaca punirena Iesusna ritipaikta meikramtairta tumbunna neaŋ.

Te, ne aukna ra laŋmo Epainetusa neaŋ, ma aukna aikndamoot laŋ ŋgoin. Na ma ndo ŋgoinna ma out ŋgoinna, an Esia pitrik waŋna meikramtairmo ripacatna ramoot ndarurina.

⁶ Na ne aukna ra laŋmo Maria neaŋ. Ma nen ŋgotacna aiŋ wit ŋgoinna morena.

⁷ Na ne aukna ra laŋmo Andronikusapa Iuni-asa neaŋ. Na maniŋa aukna auŋ kabena ramootniŋ, na maniŋa aukap aia kac ŋgoreaca eacatna. Na maniŋna up aŋgirena ramtairta inikca iap. Na maniŋa Karaisna wiwitmo, maniŋa aukmo outmbaica mbukatna.

⁸ Na ne aukna ra laŋmo Ampliatusa neaŋ, ma aukna ramoot laŋ ŋgoin, ma Kacootna tip kirara raŋgairena ramoot.

⁹ Na ne aukna ra laŋmo Urbanusa neaŋ, ma aiap Karaisna aiŋ kabea morena ramoot. Na

16:3 Up 18.2, na 18.18, na 18.26, na 2 Ti 4.19 **16:5** 1 Ko 16.15, na 16.19, na Kol 4.15, na 2 Ti 1.15, na Pm 1.2

Stakismo tocmo aukna ra laŋ neaŋ, ma aukna ramoot ŋgoin.

¹⁰ Na ne aukna ra laŋmo Apelesa neaŋ, ma Karaismo matau ŋgoinna ranġairena iap.

Na ne aukna ra laŋmo Aristobulusna wiwitta neaŋ.

¹¹ Na ne aukna auŋ kabena ramoot Erodionmo, aukna ra laŋa manmo neaŋ.

Na ne Narsisusna wiwitna meikramtairmo, aukna ra laŋa minmo neaŋ, mina Kacootna wiwit ndeacrena.

¹² Na ne Tiripinapa Tiriposmo, aukna ra laŋa maniŋmo neaŋ, maniŋa Kacootna aiŋ aniac ŋgoinna morena.

Na ne Persismo aukna ra laŋa manmo neaŋ, ma aukna ramoot ŋgoin. Ma Kacootna aiŋa wakikia morena.

¹³ Na ne Ropusmo aukna ra laŋmo mana neaŋ, ma Kacootta ranġairena ramoot laŋ, na mana aem toco, mana eteaca ma aukna aem toc ndeacrena.

¹⁴ Na ne aukna ra laŋmo Asinkiritusaap, Pelegonapa, Ermesapa, Patrobasapa, Ermasap, na minap eacrena Iesusa ripacrena laiplacarap, min motocmo aukna ra laŋmo mina neaŋ.

¹⁵ Na ne aukna ra laŋmo, Pilologusapa, Iuliaapa, Nereusapa, mana mbiapa Olimpasap, Raraŋ Aetaniacna meikramtaira minap eacrenanmo, muruŋa neaŋ.

¹⁶ Na aina Raraŋ Aetaniacna tiŋna kirar, ne kabe kabea ndorita laiplacarmo pipopotaca mo.

Na Karais Iesusna ritipaikta meikramtairta tumnambca nenmo muruŋcaminŋmo ra laŋ neaŋrina.

Iesusna ritipaikta meikramtairta tumbunna ndeida tipniŋa titacatna

¹⁷ Ne aukna Iesusna ripacrena laiplacar, aku nenmo kam gargara gaindopnandet, ne aŋgiatna ririptimo ndarena ramtair nake matau wat, mina anna kam ndopreke, nena ritipacna tipna kirara moi irikca mina ŋgocrainandet. Na ne ainta meikramtairmo waekeca tawan ndeac.

¹⁸ Na mina aina Kacoot Karaisna aija mba morenanna. Wanaiŋ. Mina ndorita tikembta toŋtoŋgar tiŋgikca ranŋairena. Na mina ndorita kambta toŋtoŋgar topraŋ te, ndorita kambta waipaik aocrena, na mina paparuna kamb topca an Iesusna ritipaikta meikramtairta tumbuna moca, mina ŋgoreac laŋa lamŋi ŋgocor, titoca tiki mo te, anna laŋ, na titoca tiki mo te, anna ŋgoreac.

¹⁹ Na ne Raraŋ Aetaniacna kammo ne matau ranŋaireke, an meikramtaira nena morena kirarirta kambmo muruŋa waracatna. Aintik aku nenmo toŋtoŋ aniac ŋgoin. Na aku toŋgorinanna, ne tip kirar laŋmo matau lamŋi rapac, te, ne tip ŋgoreacmo mba lamŋitndai.

²⁰ Na tekemmotemma an Raraŋ Aetaniaca aimo mbibirac laŋapa nikinik iro wetwet

16:17 Mt 7.15, na Up 15.1, na 15.5, na 1 Ko 5.9-11, na 2 Ti 3.5, na Ta 3.10, na 2 Io 1.10 **16:18** Pil 3.19, na Kol 2.4, na 1 Ti 6.5, na Ta 1.10, na 2 Pi 2.3 **16:19** Mt 10.16, na Ro 1.8, na 1 Ko 14.20

16:20 RL 3.15, na Ro 15.33, na 1 Ko 16.23, na 1 Te 5.28, na KIEK 22.21

neanrenanna, ma Ramoot Mbikmo nena our kangaukca tikca kitac witknandet.

Na aina Kacoot Iesusna kakadmaina opotaca nenap eacnandet.

Na meikramtair ndeida mina Romnandmo ra laŋ neanŋatna

²¹ Na aukna aiŋ kabena ramoot, Timoti, ma nenmo ra laŋ neanrina. Na Lusiusapa, Iasonapa, Sosipaterap, mina aukapna wiwitnan, min toco nenmo ra laŋ neanŋa kipatna.

²² Na aku Tertius, aku Polna upna kam anŋica aku gan timbiŋ rapara turrina. Na Kacootna i mbuŋa aku nenmo ndona ra laŋ neanŋa kipatna.

²³⁻²⁴ Na Gaiusa ma ndona ra laŋmo nena neanŋa kipatna, na ma aukmo ndona kaca tikca raupŋirenan, na ma ritipacna meikramtair motocmo muruŋcamiŋa minmo mataua bubuocrena ramoot.

Na Erastus, ma gan auŋ aniacna inikna ramoot paŋan, na ma kitukndukar raupŋirena ramoot, na aina Iesusa ripacrena laiplacarta ian Kiwartusap, maniŋa ndoniŋna ra laŋmo nena neanrina.*

Aia Raraŋ Aetaniacna imo anŋiri ngepran

²⁵ Na Raraŋ Aetaniac ma min, ma nena ritipaikmo moi ne witiki paŋpaiŋina min. Na

16:21 Up 16.1, na 19.22, na 20.4 **16:23-24** Up 19.29, na 1 Ko 1.14, na 2 Ti 4.20 * **16:23-24** Na landamjina ramtair ndeida gaind ndamjirena, kabena kam tip toco gan wesna inikca maeacreke. Na ma gaind, “Aina Kacoot, Iesus Karaisna kakadmaica nenap eac. Na anna gidik.” **16:25** Ro 1.5, na Epe 1.9, na 3.5, na 3.9, na 3.20, na Kol 1.26-27, na 1 Te 3.13

an kambca, kam wemban laŋmo inik ndeacreke, aku mana tip kirar laŋna ndoprena, na an kam wemban laŋa anna Iesus Karaisna kam. Na an kam wemban laŋa atu, atu ŋgoinna man niŋgikca iŋgoroca eacrina.

²⁶ Na mandeaca an iarwar ndeacrena Raraŋ Aetaniaca moa raek matikri. Na ma mbopatna, aia meikramtairmo muruŋcamiŋa minmo mbop, an kambca atua rambca morina ramtaira tiratna. Aintik meikramtaira muruŋcamiŋa an iŋgoroca eacrena kamma mina lamŋia garacrina. Na Raraŋ Aetaniac, ma aında morena, an pitrik waŋna meikramtair muruŋcamiŋmo mana ripaca mana tonggorina tipemb kirarira mo.

²⁷ Na an Raraŋ Aetaniac, ma ndo kabe niŋgikca ma landamŋia min, na aia gaimd ŋgoinna matau lamŋi, an reikca ma Iesus Karaisna par mbuŋa tikca laruatna, aında moca aia mana i aniacmo iarwara tamuŋ naaŋgiri ŋgepraŋ. Anna gidik.

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7